

Siunnersuummut nassuiaatit

Nassuiaatit nalinginnaasut

1. Aallaqqaasiut

2022-mut aningaasanut inatsisissap isumaqatiginninniutigineqarnerani Ineqarnermut Attaveqaasersuutinullu Naalakkersuisoq inissiaqarnermut suliassaqaarfimmi aningaasalersuisarnermut aaqqissuussinernik nalilersueqquneqarsimavoq. Nalilersuineq marlunnut avinneqarsimavoq, siullerlu november 2023-mi tunniunneqarluni.

Nalilersuinerup immikkoortuani siullermi paasissutissat atortussallu kommuninit tunniunneqartut tunngavigalugit illuliortitsinerup aningaasaalersuisarnermut aaqqissuussinermut kommunit suliarinnittarnerat atuisarnerallu pineqarpoq. Nalilersuinerup immikkoortuani siullermi inerniliunneqartut Namminersorlutik Oqartussat kommunillu akornanni artornartunut suliassanullu agguataarisarnermut tunngatillugu innersuussutissanut arlalinnut tunngaviliippat.

Nalilersuinerup immikkoortuata tulliani suliassaqaarfimmut inatsisit inatsilerinikkut misissuiffiginissaannik kiisalu aaqqissuussinernik allaffissornikkut aqutsinikkullu kommunit naalakkersuisoqarfiullu misilittagaannik tunngaveqarput. Kommunit aaqqissuussinernik allaffissornikkut suliarinissaanut akisussaasuupput, naalakkersuisoqarfillu inatsisip paasinissaanut akisussaasuulluni.

2. Siunnersuummi immikkoortut pingarnerit

2.1 Pisortat inissiaataasa attartortakkat inissianut nammineq pigisanut allanngortinneri tuniniarneqarnerilu.

Malittarisassat atuuttut malillugit inissiap attartortakkap inigisatut nammineq pigisatut tiguneqarnissaa pillugu attartortoq Naalakkersuisunut imaluunniit kommunalbestyrelsimut qinnuteqarsinnaavoq. Malittarisassat taakku allanngortinnagit atorineqassapput.

Siunnersuutigineqarpoq pisortat inissiaataat attartortittakkat inissiatut nammineq pigisatut allanngortinnissaannut Naalakkersuisut imaluunniit kommunalbestyrelsim, nammineq suliniuteqarnikkut, aalajangiisinnaanngortillugit, nutaamik malittarisassaliortoqassasoq. Inissiat nammineq pigisatut allanngortinneqartut tamatuma kingorna attartortooreersunut

tuniniarneqassapput. Inissiaq nammineq pigisaq inigineqarunnaarpat inissiaq nammineq pigisatut tamanut ammasumik tuniniarneqassaaq.

Allanngortitsinnermut atasumik Naalakkersuisut kommunalbestyrelsilu piginnittut peqatigiiffiata malittarisassaanik suliaqassapput, piginnittut peqatigiiffiannik pilersitsinissaq CVR-imilu nalunaarsornissaa kiisalu illumut nunaminertamik atuinissaq pillugu qinnuteqaatisionnissaq isumagissallugu. Naalakkersuisut kommunalbestyrelsilu piginnittut peqatigiiffiata ingerlannissaa aqutsinissaa lu siunertaralugu allaffissornikkut isumaqatigiissutit il.il. pisariaqartut isumaqatigiissutiginnissaat isumagissavaat.

Naalakkersuisut kommunalbestyrelsilu illup sillimmasernissaanut isumaqatigiissutit il.il. pillugit isumaqatigiissutinik pilersitsinissaq inissiallu nammineq pigisat ataasiakkaat innaallagamik, imermik, kiassarnermik imermillu kissartumik pilersornissaat isumagissavaat.

Tunisineq aallaaviatigut niuernermit nalinganut naapertuuttumik pisinermit akianut tunineqassaaq, taamaattorli inissiap inittussusaanut minnerpaamik 7.000kr./m²-imut.

Akip minnerpaaffissaanik aalajangersaanermit pingartinneqassapput illoqarfiit anginerusut avataanni inissianik nammineq pigisanik allanngortitsineq inissiat nammineq pigisat piviusumik pisiarinerini akiinit appasinnerullutik akeqarsinnaammata. Aammattaaq pingartinneqarpoq niuerfimmi nalinut inissianik nammineq pigisanik allanngortitanik tunisineq sumiiffinni ataasiakkaani nalinginnaasumik inissianut aningaasartuutit naapertuussinnaannginneri.

Inissiami nammineq pigisami allanngortinneqartumi inissiamut aningaasartuutit annertuumik annikillissinnerisa kingunerisaanik immikkut ittumik pilerisulersitsinissaq pissanngilaq.

Siunnersuutigineqarpoq attartortup ukiunik attartorsimanera tunngavigalugu tunisinermit akimik maannakkut appaasarneq nalinginnaasumik procentinngorlugu appaasarnermut allanngortinneqassasoq. Maannakkut attartortumut tunisinermit siunnersuutigineqarpoq pisinermit akit 20 %-imik appartinneqassasoq. Inoqarfinni illuummik qularnaveeqqusiilluni taarsigassarsiamik pissarsiffiusinnaanngitsuni siunnersuutigineqarpoq pisinermit aki 30 %-imik appartinneqassasoq. Pisinermit akip tamarmiusumi appaataanut naapertuuttumik akit nikingassutaannut qularnaveeqqusiissummut uppersaammik pisisoq atulersitsissaaq. Akit nikingassutaannut qularnaveeqqusiissummut uppersaataat ukiuni tallimani aamma qulini taarsiissutitaqassanngilaq tamatumalu kingorna ukiut 15-it ingerlanerini appartikkiartorneqassalluni.

Naalakkersuisut imaluunniit kommunalbestyrelsi pisinermit akip 40 %-ianut taarsigassarsitsissapput. Taarsigassarsiat ukiuni 20-ini ernialersorneqarnanilu taarsiissutitaqassanngillat tamatumalu kingorna ukiut 15-it ingerlaneranni ukiumut assigiiartumik taarsigassarsiatut akilersorneqassalluni. Sinneri ileqqaarnikkut imaluunniit

illuummik qularnaveeqqusiilluni taarsigassarsisarfirmi imaluunniit aningaaserivimmi taarsigassarsinikkut aningaasalersorneqassapput.

Najukkani illuummik qularnaveeqqusiilluni taarsigassarsiamik pissarsiffiusinnaanngitsuni pisinermi akip 50%-ianut pisortat taarsigassarsisitsissapput. Taarsigassarsiat ukiuni qulini ernialersorneqarnatillu taarsiissutitaqassanngillat tamatumalu kingorna ukiut 20-t ingerlaneranni ukiumut assigiiartumik taarsigassarsiatut akilersorneqassalluni. Sinneri ileqqaarnikkut imaluunniit aningaaserivimmi taarsigassarsinikkut aningaasalersorneqassapput.

Inissiamik nammineq pigisassamik atorneqanngitsumik pisortat tamanut ammasumik tuniniarneqarnerani inissiaq nammineq pigisassaq niuernerme nalinganut tunineqassaaq aamma akit nikingassutaannut qularnaveeqqusiissummut uppersaateqanngitsumik imaluunniit pisortanit aningaasalersorneqanngitsumik.

Inissianik pisisartunut inuusunnerusunut tassungalu ilanngullugit siullermeertumik pisisartunut periarfissat pitsaanerulersinniarlugit siunnersuutigineqarpoq 30-nik ukiullit tikillugit inissianik nammineq pigisatut allanngortinneqartunik pisortat neqeroorutaannik pisinermi attartortup inissiamik nammineq pigisamik pisineratulli atukkat assigalugit pisortanit aningaasalersorneqarsinnaassasoq. Pisortat aningaasalersuineranni piumasarineqarpoq pisinermi akigititap niuerfimmi nalitut nalilerneqartumit qaffasinnerussanngitsoq.

2.2 Najugaqarfissatut atuisarneq

Malittarisassat atuuttut malillugit inissiap inuussutissarsiutinut atorneqarsinnaaneranut malittarisassaliortoqarsimanngilaq.

Inissiat nammineq pigisat imaluunniit illu nammineq pigisat inatsit manna naapertorlugu taarsigassarsiffigineqartoq taamaallaat piginnittumut taassumalu inoqutigiivinut imaluunniit attartortumut taassumalu inoqutigiivinut najugassatut, aalajangersimasumillu najugaqarfittut atorneqarsinnaanera siunnersuutigineqarpoq. Siunnersuutigineqarpoq piginnittoq taassumalu inoqutigisai imaluunniit attartortoq taassumalu inoqutigisai inuussutissarsiutitut namminersortutut ingerlatanik annikitsumik ingerlataqarsinnaasut. Allannguutissatut siunnersuummi § 16 a. imm. 1, nr.5-imut nassuiaatini suut inuussutissarsiutitut namminersortutut minnerusutut ingerlatatut isigineqarnersut suullu inuussutissarsiutitut namminersortutut minnerusutut isigineqannginnersut sukumiinerusumik nassuiaaffigineqarput.

Inuussutissarsiutitut namminersortutut ingerlatatut minnertut saniatigut inissiaq pisortanit taarsigassarsiat atorlugit inuussutissarsiutitut atorneqarpat taarsigassarsiarineqartoq akiligassanngortinneqassaaq.

2.3 Piginnittut nikinnerini akiliut

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni malittarisassat atuuttut malillugit piginnittut nikinnerini akiliummik akiliisoqarneq ajorpoq.

Siunnersuutigineqarpoq siunissami pisortani taarsigassarsiani taarsigassarsiat atsiorneqarnerminni angissusiata 15 %-ianik piginnittut nikinnerini akiliummik akiliisoqartalissasoq. Siunnersuut illuliortiternernut aningaasalersuineq pillugu Inatsisartut inatsisaanni malittarisassaq assigaa.

2.4 Pisortani qularnaveeqqusiussaqaarluni taarsigassarsinermi allagartaq - taarsigassarsinermi kaaviiartitassatut allagartaanngitsut

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni malittarisassat atuuttut malillugit pisortanut atulersinneqartunik qularnaveeqqusiussaqaarluni taarsigassarsinermi allagartamik, tunisisarnissamut imaluunniit taarsigassarsisitsinissaannut malittarisassaliortoqarsimannngilaq. Tunngaviatigut qularnaveeqqusiinermut allakkat kaaviiartitanut qularnaveeqqusiinernut allagaanngillat, paarlattuanik sulinermi tamakkuninnga tuniniaasoqarsimassanngippat imaluunniit taarsigassarsititsisoqarsimassanngippat.

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni massakkut atuuttumi imaluunniit tamanna pillugu siusinnerusukku inatsisit naapertorlugit pisortat taarsigassarsisitsinerannut ilaasumik pisortanut atulersinneqartut qularnaveeqqusiussaqaarluni taarsigassarsinermi allagartat akiitsullu allagartai tunisinerni, taarsigassarsianut sallunaveeqqutitut imaluunniit akiligassaqaarfiit malersornerinut atorneqartannginnissaat siunnersuutigineqarpoq.

2.5 Taarsigassarsianik allanngartitsisarneq tulleriinnerisalu allanngartinneri

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni malittarisassat atuuttut malillugit taarsigassarsiaareersut allanngartinnissaannut imaluunniit illuut pillugu tulleriinnerit allanngartinnissaannut, tassungalu ilanngullugu illup ilaa akiitsoqarfiunngitsoq qularnaveeqqusiullugu taarsigassarsineq, taarsigassarsiarineqartussat pillugit ataqqinninnermut uppersaasarnermut nalunaaruteqarnissamut pisortat periarfissaannut malittarisassiortoqarsimannngilaq. Qularnaveeqqusiussaqaarluni

taarsigassarsititsinermut uppersarsaatini amerlanerni pisortat taarsigassarsititsisarfinni allatut pingaarnersiulluni taarsigassarsiat allangortittarnissaat ataqqineqarput, taamaattoq taarsigassarsiat akinut naleqqersuummut iluarsisat imaluunniit aningaaserivimmi allangortiterinernut aamma/imaluunniit allilerinernut ataavartunut naleqarnerulersitsisunulluunniit uppersarsarneqartunut aningaasartuutitut matusissutissat pinnagit.

Malittarisassat atuuttut malillugit inissiami piginnittut nikinnerannut atatillugu taarsigassarsiarineqartussat nutaat kisimik pisortat taarsigassarsititsinerini ataqqineqarput. Pisisumit tiguneqartut taarsigassarsiat katinneri ilanngaatilugit pisinermi akip 90 %-ianut annerpaamik naapertuuttut taarsigassarsiarineqartussat pisortat taarsigassarsiarititaasa ataqqissavai.

Taarsigassarsiaaersut allangortinnissaannut imaluunniit illuut pillugu tulleriinnerit allangortinnissaannut, tassungalu ilanngullugu illup ilaa akiitsoqarfiunngitsoq qularnaveeqqusiullugu taarsigassarsineq, taarsigassarsiarineqartussat pillugit ataqqinninnermut uppersarsaasarnernut nalunaaruteqarnissamut pisortat nalinginnaasumik periarfissaqarnissaat siunnersuutigineqarpoq. Taarsigassarsititsinermut killiliussaq inissianut ukiut 20-t angullugit pisoqaassusilinnut niuerfinni inissiap nalingata 90%-ianut aalajangersarneqassaaq. Tamatuma kingorna taarsigassarsisinnaanernut killiliussaq 80%-inut appartinneqassaaq.

2.6 Piffissaq sioqqullugu taarsigassarsianik akiliineq

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni malittarisassat atuuttut malillugit pisortanit taarsigassarsiat piffissaq sioqqullugu tamakkerlugit akilerneqarsinnaapput. Piffissaq sioqqullugu akiliisitsiniarnermi pisortat taarsigassarsiarititaat Nationalbankip ernialiusaata ilaneratigut 3 %-imik ernialiilluni kingumut nuunneqassapput.

Kingumut nuussinermi erniaritinneqartoq Naatsorsueqqissaartarfiup qaammatinut 12-inut kingullernut atuisunut akinut naleqqersuutitut kingullermik naatsorsuutaanut 1 procentpointimik ilallugit naapertuuttumik ernialerlugit allangortinneqassasoq siunnersuutigineqarpoq.

Inissianik nammineq pigisanik aamma illunik nammineq pigisanik allangortinneqarsimasunik tigusinermit attartortunut pisortanit taarsigassarsiat ukiuni 35-ni katillugit akilersugassaapput. Tamatuma kingunerisinnaavaa pisortat aningaasanut annertuunut pituttugaalersinnaanerat. Sivisuumik akilersuisarnerit tassunga ilanngullugit ukiut tallimat-qulit angullugit erniaqartitsinnginnerit akilersuisussaannnginnerillu

kingunerissavaat pisortani taarsigassarsiat nalingat aningaasat naleerukkiartornerat ilutigalugu suujunnaariartulertussaannerat.

Siunnersuutip kinguneraa taarsigassarsisup piffissamik sioqqutsilluni ullutsinni nalimut taarsigassarsianik inaaraluni akiliinissamut periarfissaqarnera. Tamanna isumaqarpoq taarsigassarsiarineqartut nalingata naatsorsuiffiginerat piffissami akiliisitsiniarfimmi taarsigassarsiat piffissami ernialersorneqarnatillu akilersunnginnerini aningaasat naleerukkiartornissaat sillimaffigineqartoq.

Massakkut naliusup naatsorsuiffiginissaa Naatsorsueqqissaartarfiup atuisunut akigititamut naleqqersuutaanik tunngaveqassasoq siunnersuutigineqarpoq. Atuisunut akigititanut naleqqersuut atuisunut akigititani allanngornernut ingerlaavartunut takussutissaavoq, aningaasallu naleerukkiartornerannut oqariartuutaalluartutut isigineqarluni. Ernialiinermi erniaritinneqartoq Naatsorsueqqissaartarfiup kingullermik piffissamut qaammatinut 12-inut atuisunut akigititanut naleqqersuutaa 1 procentpointimik ilallugu allanngortitsinera naatsorsuiffigineqartoq atorlugu aalajangersarneqassasoq siunnersuutigineqarpoq.

Piffissaq sioqqullugu akiliinissamut noqqaaneq aamma ullutsinnut nalimut utertitsilluni ernialersuineq taarsigassarsinerup tunniunneqarneraniit siusinnerpaamik ukiut tallimat kingorna pisinnaavoq. Kingumut tunniussisarnermut erniaqartitsineq taamaallaat pineqarpoq piffissaq taarsigassarsiat ernialersugaanngitsunut akilersuutitaqanngitsunullu sinneruttoq.

Siunnersuutigineqarpoq 14 b-mi taamaalillunilu kingumut tunniussinermi ernialiinermut erniat atuisunut akigititanut naleqqersuutip allanngornera tunngavigalugu aalajangersarneqartoq Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaanni imaluunniit siusinnerusukkut tamanna pillugu inatsisini malittarisassat malillugit inissianik nammineq pigisanik imaluunniit illunik nammineq pigisanik allanngortinneqartunik attartortut pisinerannut pisortanit taarsigassarsianut atuuttunut tamanut atorneqassasoq.

Aalajangersimasumik suleriaaseq malillugu ernialersorneqanngitsumik pisortat taarsigassarsinerat akileraarutaasussaannngitsutut isigineqarpoq, ernialersuinnginnerup qanoq naleqarsinnaanera apeqqutaatinnagu.

Taamaaqataanik naatsorsuutigineqarpoq ullutsinni nalimut kingumut naatsorsuinermi taarsigassarsiat atsiorneqarnerisa angissusiannik appaaneq akileraarutaasussaannngilaq.

2.7 Taaguutininik nutarterineq

Namminersornerullutik Oqartussat Namminersorlutik Oqartussanik, Landsstyret Naalakkersuisunik il.il. taarserlugit, Inatsisartut inatsisaanni taaguutit tamarmik nutarterneqassasut siunnersuutigineqarpoq.

3. Pisortanut aningaasaqarnikkut allaffissornikkullu kingunerisassat

Namminersorlutik Oqartussat kommunillu inissiaataasa attartortakkat inissianut nammineq pigisanut allanngortinnerini kingornalu taaku tunineqarnerini inissianut attartortittakkanut aningaasaatinit iluanaarutinit isertittakkat annikillisussaassapput. Aningaasaatinit iluanaarutinit isertitat allanngornerisa missiliornissaat ajornarpoq. Inissiap attartukkap nammineq pigisatut tigusissaanut periarfissamik attartortut qassit atuerusussanersut siumut ilisimaneqannginneranik patsiseqarpoq.

Peqatigisaanik Namminersorlutik Oqartussat kommunillu inissianut nammineq pigisanut allanngortinnerinut tunineqartunullu atasunut pisinnaatitaaffinnut pisussaaffinnullu allanut pisussaaffeerutissallutik. Inissiat nammineq pigisat taamatut isikkoqartillugit allanngortinneqarnissaat tunineqarnissaallu naatsorsuutigineqarpoq. Illut tamarmiusut imaluunniit inissiat nammineq pigisat ataasiakkaat nutarsarneqarnissaat imaluunniit iluarsaanneqarnissaat naatsorsuutigineqanngilaq.

Attartortunut inuusuttunullu 30-t tikillugit ukiulinnut akit nikingassutaannut qularnaveeqqusiissummut uppersaatikkut pisortat aningaasalersueqataanissaannut pisinnaatitaaffeqartunut tunisinermi akip ilaa naapertuuttoq akit nikingassutaannut qularnaveeqqusiissummut uppersaatip appartikkiartornera naapertorlugu pisortanit akilerneqassaaq. Akit nikingassutaannut qularnaveeqqusiissummut uppersaat taakkulu appartikkiartornerinut aningaasartuutit annertussusaat missilersorneqarsinnaanngillat. Siuliani tunngavilersuutigineqartoq takuuk.

Inissiat nammineq pigisat allanngortinnerinut tunineqarnerinullu atasumik ataasiartumik aningaasartuutit arlaliussapput. Namminersorlutik Oqartussat kommunillu piginnittut peqatigiiffiannik pilersitsinermut, malittarisassat suliarinerinut illumilu inissianut nammineq pigisanut agguarnerinut aningaasartuutit akiliissapput. Naliliisoqarpoq illumut ataatsimut allanngortinneqartumut aningaasartuutit 50-100.000 kr.-nik annertussuseqassasut. Taakkununga ilanngutissapput inissianik nammineq pigisanik ataasiakkaanik tunisinermut atatillugu allaffissornerit.

Allanngortitsinermut tunisinermullu, taakkununga ilanngullugit nalilersuinerit, siunnersorneqarnerit, eqqartuussissuserisoqarnerit aamma piginnittunngornerit akiliutissanut atatillugu Namminersorlutik Oqartussat kommunillu aningaasartuutaannut matussutissanut tunisinermi akigititaq 50.000 koruuninik ilaneqassaaq.

Kingumut tunniussinermi ernialiinermi nalikilliliinermi erniat Nationalbankip ernialiineraneersut Atuisunut akit naleqqussarnerannut 3 procentiusup 1 procentpointimik ilaneratigut sipaarutissap inissiat nutaat sananerannut pisortat taarsigassarsiarititaasa siusissukkut akilersinniarnersigut anguneqarsinnaasup annikillinissaa naatsorsuutaavoq. Piffissaq sioqqullugu akiliinermi allannguutissatut siunnersuut aqutugalugu malittarisassat atuutereersut malillugit periarfissaalluarnaviangitsut naatsorsuutigineqarpoq. Allannguutissatulli siunnersuutikkut kingumut akiliisarnermut erniaqartitsinerup aningaasat naleerukkiartorneranni ineriartornermut ingerlaavartumik naleqqussaaffigisarnissaa qulakkeerneqassaaq.

Allannguutissatut siunnersuutip pisortat taarsigassarsiaasa piffissaq sioqqullugu akilersinniarneqartunut sunniuteqassanersoq nalilersuiffigineqarsinnaanngilaq. Taarsigassarsiat akilersinniarneqartussat amerlassusaanni suunngitsumik ikiliartortoqalerumaartoq naatsorsuutigineqassaaq, akiliisitsiniarnissarli taarsigassarsiarineqartut pingaarnertut akiligassaqaqfigisaani annerusumik akiliuteqarnikkut pisassagunarpoq.

Siunnersuut inuussutissarsiortunut allanullu malunnartumik aningaasaqarnikkut imaluunniit allaffissornikkut kinguneqarnaviangitsaq nalilerneqarpoq.

4. Inuussutissarsiortunut aningaasaqarnikkut allaffissornikkullu kingunerisassat

Siunnersuut inuussutissarsiutinik ingerlataqartunut aningaasatigut allaffissornikkullu sunniuteqassanngitsaq nalilerneqarpoq.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut, pinngortitamut inuillu peqqissusaannut sunniuteqassanngitsaq nalilerneqarpoq.

6. Innuttaasunut kingunerisassat

Siunnersuut innuttaasunut allaffissornikkut sunniuteqassanngitsaq nalilerneqarpoq.

Siunnersuut Naalakkersuisut kommunalbestyrelsillu attartortunut neqerooruteqarnissamut innuttaasullu allat inissiamik nammineq pigisamik pissarsinissaannut annertunerusumik periarfissiissapput. Peqatigisaanik attartortitsineranut pisortat inissiaataat annikillissallutik.

Ataqqinninnermik tullerriaarinernullu uppernarsaammik Naalakkersuisut kommunalbestyrelsillu nalunaaruteqarsinnaanerak pillugu siunnersuut inissianik attartortittakkanik allanngortinneqarsimasunik pisortanit taarsigassarsinikkut taarsigassarsinernut tamarmiusunut ingerlaavartumik tulluarsaanissamut pitsaanerulersitsinissamullu innuttaasunut periarfissiissaaq.

7. Kingunerisassat pingaarnertit allat

Naliliisoqarpoq siunnersuut pingaaruteqartunik allanik kinguneqassanngitsoq.

8. Oqartussat kattuffiillu tusarniaaffignerat

Siunnersuut piffissami 17.08.2024-mit, 14.09.2024-mut Naalakkersuisut tusarniaanermut nittartagaanni tamanut tusarniutigineqarsimavoq, tamatumalu saniatigut tusarniaaffigisassanut toqqakkanut toqqaannartumik nassiunneqarsimalluni.

Tusarniaanernut akissutini tiguneqartuni pingaarnertut immikkoortut Ilanngussaq 2-mi taaqqinneqarput oqaaseqarfigineqarlutillu.

Siunnersuummi aalajangersakkanut ataasiakkaanut nassuiaatit*§ 1-imut*

Nr. 1-imut

Qulequtaani Namminersornerullutik Oqartussat, Namminersorlutik Oqartussanit taarserlugu taaguut allanngortinneqarpoq.

Nr. 2-mut

§ 1-imut

Namminersornerullutik Oqartussat Namminersorlutik Oqartussanit aamma Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 3-mut

§ 2-mut

Namminersornerullutik Oqartussat Namminersorlutik Oqartussanit taarserlugit, paragraffimi taaguutit nutarterneqassapput.

Nr. 4-mut

§ 3-mut

Namminersornerullutik Oqartussat Namminersorlutik Oqartussanit aamma Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 5-imut (§§ 3 a - 3 d)

§ 3 a-mut aamma b-mut

Imm. 1-imut

Siunnersuutigineqarpoq Naalakkersuisut kommunalbestyrelsillu illumi attartortittakkami pioreersumi inissiat inissianut nammineq pigisanut allanngortinnissaat pillugu aalajangiisinnaassasut. Piginnaatitsinermut ilaapput illut attartortittakkat attartukkamik ataatsimit amerlanerusunik inissiallit.

Allanngortitsinissaq pillugu aalajangiineq illumik attartortooreersuniit qinnuteqaammik imaluunniit akuersisoqarnissaannik pisariaqartitsinngilaq. Illumi attartortittakkami

pioereersumi inissiat inissianut nammineq pigisanut allanngortinnissaat pillugu aalajangiinermut attartortooreersut akerliliisinnaanngillat.

Imm. 2-mut

Erseqqissarneqarpoq Naalakkersuisut kommunalbestyrelsilu pigittut peqatigiiffiannut naleqqiullugu inissianut nammineq pigisanut ataasiakkaanut tamanut atuuttumik piginnittut peqatigiiffianni ilaasortanngussasut. Tamatuma kingunerisaanik Naalakkersuisut kommunalbestyrelsilu piginnittut peqatigiiffiannut naleqqiullugu pisinnaatitaaffeqarlutillu pisussaaffeqassapput.

Naalakkersuisut kommunalbestyrelsilu piginnittut peqatigiiffiata malittarisasaanut sinaakkutit iluanni piginnittup pisinnaatitaaffinik ingerlatsipput nalinginnaasumillu piginnittut peqatigiiffiannut akiliuteqartarlutik. Imermik, kiassarnermik imermillu kissartumik pilersuineq piginnittut peqatigiiffiatigut ingerlanneqarpat piginnittut peqatigiiffiannut naleqqiullugu tamatuma akilernissaanut Naalakkersuisut kommunalbestyrelsilu akisussaapput.

Inissiap nammineq pigisap iluata aserfallatsaaliornernut naleqqiullugu piginnittut peqatigiiffiup malittarisassaaticut Naalakkersuisut kommunalbestyrelsilu piginnittut peqatigiiffiannut pisussaaffeqarnerat malittarisassaartinneqarpoq.

§ 3 c-mut

Allannguutissatut siunnersuummi siunertaq tassaavoq pisortat inissiaataasa attartortittakkat inissianut nammineq pigisanut allanngortinnissaannut tunngavissamik pilersitsinissaq taamaalillunilu pisortat inissiaataat annikillisillugit.

Pisortat inissiaataasa attartortittakkat inissianut nammineq pigisanut allanngortinnissaat pillugu § 3 a naapertorlugu aalajangiineq inissiat nammineq pigisat tunineqarnissaat siunertaralugu pissasoq erseqqissarneqarpoq. Inissiat nammineq pigisat inissiani nammineq pigisani allanngortinneqartuni attartortuusunut ingerlaannartumik neqeroorutigineqassapput.

Inissiap nammineq pigisap pisiarinissaanut attartortut tamarmik neqeroorfiginissaannut ilaatigullu pisinermi akit aamma pisortat aningaasalersuinissamut neqeroorutaat pillugit paasissutissanik tunniussinissamut Naalakkersuisut kommunalbestyrelsilu pisussaaffeqarput.

§ 6-imut aamma §§ 11-12-mut innersuussinerup ilaatigut kingunerisaanik attartortoq inissiamik nammineq pigisamik allanngortitamik pisinissaq pillugu neqeroorummik akuersinissamut qaammatinik pingasunik periarfissaqarpoq kingusinnerusukkullu inissiap nammineq pigisap allanngortinneqartup pisiarinissaanut neqeroorummik nutaamik noqqaanissamut periarfissaqarluni. Innersuussinerup aamma kingunerisaanik, attartukkap inissiatut nammineq pigisatut tigusissaa pillugu nammineq qinnuteqarneratulli malittarisassat atuuttut malillugit tunisinermi aki aalajangersarneqassaaq.

Inissiat nammineq pigisat atorneqanngitsut pillugit siunnersuummi § 3 takuuk.

§ 3 d -mut

Imm. 1-2-mut

Illumi attartortittagaareersumi inissiat inissianut nammineq pigisanut allanngortinnerini attartortooreersut attartornermut atuuttut piumasaqaatit malillugit inissiami nammineq pigisami najugaqaannarsinnaapput.

Allanngortitsinerup kingunerinngilaa attartortup ineqarnermut akiliutaasa imaluunniit Namminersorlutik Oqartussanik imaluunniit kommunalbestyrelsimik attartorneq pillugu isumaqatigiissut malillugu pisinnaatitaaffiit pisussaaffiillu allat allanngortinnissaat. Assersuutigalugu ineqarnermut akiliutip naatsorsorneranut illullu iluata aserfallatsaaliorneqarneranut naleqqiullugu attartortup pisussaaffii allanngortinneqarnatik attartorneq pillugu isumaqatigiissuummi aamma inissianik attartorneq pillugu inatsisinit atuuttunit malittarisassat atuutiinnassapput.

Imm. 3-mut.

Erseqqissarneqarpoq attartortoq piginnittut peqatigiiffiannit aalajangersarneqartut malittarisassanik malinninnissamut pisussaaffeqartoq. Malittarisassat piginnittut peqatigiiffiannit aalajangersarneqartut inissianik attartorneq pillugu Inatsisartut peqqussutaanni atuuttumi § 50-imut ilaasunut malittarisassanut assersuunneqarsinnaapput.

§ 3 e -mut

Imm. 1-imut

Pisortat inissiaataasa attartortittakkat inissianut nammineq pigisanut allanngortinnissaat pillugu § 3 a naapertorlugu aalajangiineq inissiat nammineq pigisat tunineqarnissaat siunertaralugu pissasoq erseqqissarneqarpoq. Inissiat nammineq pigisat atorneqanngitsut ingerlaannartumik tamanut ammasumik tuniniarneqassapput. Tamanut ammasumik tuniniaaneq assersuutigalugu illunik tuniniaasartut, eqqartuussissuserisut aqputigalugu pisinnaavoq imaluunniit nuna tamakkerlugu saqqummersartut tusagassiuutit kiisalu illoqarfimmi allagarsiinikkut pisinnaalluni. Allagarsiineq nittartakkani attuumassuteqartuni aamma assersuutigalugu Facebook aqputigalugu pisinnaavoq.

Inissianik atorneqanngitsunik tuniniaaneq niuerfimmi nalinut pissaaq taamaattorli inissiap annertussusaanut minnerpaamik 7.000 kr./m²-imut. Illuummi tamakkiisumik areali tassaavoq arealit ataatsimoortarfiit, teknikkeqarfik il.il. init angissusaat aallaavigalugit agguataarneqartoq ilanngullugit illup tamakkiisumik angissusaa.

Imm. 2-mut aamma 3-mut

Siunnersuutigineqarpoq Inatsisartuni Aningaasaqarnermut Akileraartarnermullu

Ataatsimiititaliamiit aalajangersimasumik nalileereernikkut akuersisoqarneratigullu inissiat attartortittakkat allangortinneqarsimasut niuernermi nalinga ataallugu minnerpaamillu akia ataallugu neqeroortitsisoqarsinnaasoq. Aalajangersagaq assersuutigalugu niuernermi nalimut imaluunniit minnerpaamik nalimut inissiamut nammineq pigisamut neqeroorutigineqartumut neqeroorutitik takkuttoqartinnagu atorineqarsinnaavoq.

Naliliinermi oqimaaqatigiisinneqassaaq sumiiffimmi neqerooruteqartitsineq kiisalu tunisinermi, sumiiffinni ataasiakkaani nalinginnaasumik inissianut aningaasartuutitut naapertuunnissaat pingaartinneqassaaq. Inissiami nammineq pigisami allangortinneqartumi inissiamut aningaasartuutit annertuumik annikillisinnerisa kingunerisaanik immikkut ittumik pilerisutsilernissaq pissanngilaq.

Imm. 4-mut.

Illup attartortakkap inissianut nammineq pigisanut allangortitsineq piffissap sivikitsup iluani sumiiffimmi ataatsimi inuit inissiaataannut inissiat nammineq pigisat amerlanerulernerinik kinguneqarsinnaavoq. Naalakkersuisut kommunalbestyrelsilu inissianik nammineq pigisanik atorineqanngitsunik tamanut ammasumik neqerooruteqarnermut atatillugu, siunissami qaninnerusumi ungasinnerusumilu, inissianik nammineq pigisanik nutaanik tamakkiisumik ilaannakuusumilluunniit ilaneqarsinnaanerinik nalilersuissapput.

Inissianik nammineq pigisanik allangortitanik atorineqanngitsunillu neqerooruteqarneq annertuumik akinik niuerfimmi pilersitsisarnermut sunnuteqannginnissaa pingaartinneqarsinnaavoq. Mianersortumik nalilersuisoqassaaq. Naalakkersuisut kommunalbestyrelsilu assersuutigalugu inissianik nammineq pigisanik atorineqanngitsunik ataasiakkaarlugit imaluunniit amerlangitsukkuutaarlugit neqerooruteqartarnissaq toqqarsinnaavaat tamatumalu inerneru utaqqimaarlugu.

Nr. 6-imut.

§ 4-mut

Namminersornerullutik Oqartussat Namminersorlutik Oqartussanit aamma Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 7-imut

§ 5-imut

Namminersornerullutik Oqartussat Namminersorlutik Oqartussanit taarserlugit, paragraffimi taaguutit nutarterneqassapput.

Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 8-mut

§ 6-imut

Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 9-mut

§ 7-imut

Landsstyret Naalakkersuisunit taarserlugit, paragraffimi taaguutit nutarterneqassapput.

Ilanngullugu siunnersuutigineqarpoq, attartukkamik aalajangersaaneq kisiat pisussanngornagu attartornermut tunngasut ataatsimoortillugit aalajangersakkami pineqalersillugit, allannguinerup kingorna attartortup inatsisitigut inissisimanagera imm. 2-mi ersarissarneqassasoq.

Nr. 10-mut.

§ 9-mut

Namminersornerullutik Oqartussat Namminersorlutik Oqartussanit aamma Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 11-mut

§ 10-mut

Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 12-imut

§ 11-mut

§ 11 imm. 1 aamma imm. 3 tassaapput § 11, imm. 1-imik aamma imm. 3-mik pioreersunik ingerlatitseqqinnerit.

Imm. 2 nutaajuvoq aamma attartortup inimik attartukkamik inissiatut nammineq pigisatut pisinerani tunisinermi akip annikillisinnissaa pillugu manna tikillugu malittarisassat taarserlugit.

Imm. 1-imut

Pisortat inissiaataasa attartortittakkat inissianut nammineq pigisanut allanngortinneqarsimasunik tuniniaanermisinermi akia aallaaviatigut niuernermi nalinganut aalajangersarneqassaaq, tak. tamanna pillugu § 12-mut siunnersuut. Taamaalilluni inissianik nammineq pigisanik allanngortinneqarsimasunik pisortat tunisinerisa sapinngisamik namminersortuni inissianik nammineq pigisanik niuerfiusumi akinik pilersitsisarnermut sunniuteqannginnissaa.

Imm. 2-mut

Malittarisassat atuuttut naapertorlugit attartortut, inissiaminnik attartortittakkaminnik inissiatut nammineq pigisatut imaluunniit illumik nammineq pigisamik pisinermi ukiuni qanoq sivisutigisumik najorsimanera inissiallu angissusaa tunngavigalugu akitigut appartitsiffigineqarsinnaapput.

Siunnersuutigineqarpoq tunisinermi akip procentianik aalajangersimasumik appartitsisoqartassasoq. Siunnersuutigineqarpoq nalinginnaasumik tunisinermi akip 20 %-ianik appaasoqartassasoq. Najugaqarfinni illuummik qularnaveeqqusiilluni taarsigassarsarfinit aningaasalersuinissamut periarfissaqanngitsuni tunisinermi akip 30 %-ianik appaasoqartassasoq siunnersuutigineqarpoq.

Imm. 3-mut.

Inissiamik nammineq pigisamik imaluunniit illumik nammineq pigisamik tunisinermut atatillugu aningaasartuutit tamarmik matussusernissaannut, tassunga ilanngullugit illup nalilerneranut, siunnersortimut, eqqartuussissuserisumut naqissusiinermullu akiliutinut aningaasartuutit, pisisoq aningaasanik aalajangersimasunik 50.000 kr.-nik akiliissaaq. Aningaasat immikkoortitsinermit tunisinernullu atatillugu piviusumik aningaasartuutinut atassuteqanngillat. Aningaasat 50.000 kr.-t pisisumit akilerneqassapput. Taamaalilluni aningaasat aalajangersimasuupput, inissiamik nammineq pigisamik imaluunniit illumik nammineq pigisamik tunisinermit sumulluunniit tunisinermi akimut ilanngunneqartussat.

Nr. 13-imut

§ 12-mut

§ 12 atuuttusoq malillugu naliliineq attaviitsumit ilisimasalimmit ingerlanneqassaaq.

Siunnersuutigineqarpoq niuerfinni nalimik naatsorsuineq illunik pisinernik tunisinernullu isumaginnittartunit Kalaallit Nunaanni suliffeqarfimmik ingerlatsisumit illunik tuniniaasartunit naatsorsorneqassasoq. Ullumikkut nunatsinni illunik tuniniaasartunik suliffeqarfinnik arlalinnik peqarpoq. Naliliisoqarpoq illoqarfinni illunik tuniniaasartut inissianik attartortakkanik inissiatut nammineq pigisatut illutullu nammineq pigisatut tunineqartussat niuerfinni nalingannik naliliinissamut tulluarnersaasut.

Nr. 14-imut

§ 13-imut

Illumik attartukkamik inissiatut nammineq pigisatut pisisunut attartortunut tunisinermi akit nikingassutaannut qularnaveeqqusiissummut uppersaatiip naapertuunnissaa pillugu tunngavimmik atuuttumik aalajangersagaq ingerlatitseqqippoq. Akit nikingassutaannut qularnaveeqqusiinissamut periarfissaqarneq siunnersuutigineqarpoq illuni inissiat nammineq pigisanik ataaseq sinnerlugu initalit inissiat nammineq pigisat ilaatinneqalissasut, tassa imaappoq illut affarleriit, illut uiguleriiaat inissiallu quleriiaat.

Imm. 1-imut

Inissiamik nammineq pigisamik attartortumut tuniniaanermi tunisinermi akimik appaasoqassaaq, tak. siunnersuummi § 11, imm. 2. Pisisoq appartitsinermut naapertuuttumik qularnaveeqqusiussaqluni taarsigassarsinermi allagartamik pisortanut atulersitsissaaq.

Imm. 2-mut

Qularnaveeqqusiussaqluni taarsigassarsinermi allagartaq Kalaallit Nunaanni Eqqartuussivimmi, Nalunaarsuiffittut allattuiffimmi illu pillugu quppernermi nalunaarsorneqassaaq. Akit nikingassutaannut qularnaveeqqusiissummut uppersaatiip pisortanit kiisalu tunisinermi akip aningaasalersornissaanut aningaasalersuisarfinniit taarsiisutigineqartussat ataqqissavai.

Allatigut qularnaveeqqusiineq pillugu Kalaallit Nunaannut inatsimmi nalinginnaasumillu qularnaveeqqusiussaqluni taarsigassarsinermi allagartat pillugit malittarisassat atuupput.

Imm. 3-4-mut

Siunnersuutigineqarpoq 20 %-imik akit nikingassutaannut qularnaveeqqusiissut ukiuni tallimani ernialersorneqarnanilu akilersorneqassanngitsoq. Tamatuma kingorna akit nikingassutaannut qularnaveeqqusiissut ukiut 15-it ingerlanerini assigiimmik appartikkiartorneqassaaq. Akit nikingassutaannut qularnaveeqqusiissut taamaalilluni ukiut 20-t kingorna inaarutaasumik appartinneqarsimassalluni. Attartortoq inissiaminik attartukkamik inissiatut nammineq pigisatut pisisoq ukiuni 20-ni piginnittooreernermit akit nikingassutaannut qularnaveeqqusiissummut uppersaammit pituttugaajunnaassaaq.

Siunnersuutigineqarpoq 30 %-imik akit nikingassutaannut qularnaveeqqusiissut ukiuni qulini ernialersorneqarnanilu akilersorneqassanngitsoq. Tamatuma kingorna akit nikingassutaannut qularnaveeqqusiissut ukiut 15-it ingerlanerini assigiimmik appartikkiartorneqassaaq. Taamaalilluni tunisinermi akimi qaffasinnerusumik appartitsisoqarnissaa pingaartinneqarpoq, pissutigalugu akit nikingassutaannut qularnaveeqqusiissummi tunisinermi aki ukiut 25-it kingorna inaarutaasumik apparsimasussaamat. Attartortoq inissiaminik attartukkamik inissiatut nammineq pigisatut imaluunniit illumik nammineq pigisamik pisisoq ukiut 25-t

kingorna akit nikingassutaannut qularnaveeqqusiissummut uppersaammit pituttugaajunnaassaaq.

Tunisinermi akip aningaasalersornerata naatsorsornera aamma qularnaveeqqusiussaqaqarnermi inatsisini sallititsineq imatut assersuusiornikkut takutinneqarsinnaavoq:

Illumi attartortittakkami inissiaq pingasunik inilik 965.000 kr.-nik naleqarpoq. Illu najugaqarfimmiippoq illuummik qularnaveeqqusiilluni taarsigassarsisarnikkut pissarsiarineqarsinnaasumiippoq. Illup tunininerani nalinga 20 %-imik appartinneqarpoq.

Tuninerani akia	kr. 965.000
20 %-imik appartitsineq	kr. -193.000
Suliami aningaasartuutit	kr. + 50.000

Inaarutaasumik tunisinermi aki kr. 822.000

Tunisinermi akip aningaasalersornissaanut 40 %-imik imaluunniit 328.800 kr.-nik pisortat taarsigassarsisitsinnaapput. Ukiuni 20-ni taarsigassarsiat ernialersugaanatillu akilersugassaangillat, tamatuma kingorna ukiut 15-it ingerlanerini taarsigassarsiat akilersorneqassapput. 60 %-it sinneruttut, tassa 493.200 koruunit tunisisumut akilerneqassapput. Sinneri 60 %-it illuummik qularnaveeqqusiilluni taarsigassarsisarfimmi aamma aningaaserivimmi taarsigassarsinikkut aningaasalersorneqassapput.

Qularnaveeqqusiinermi inatsisitigut sallititsinikkut inissisimaneq imaalissaaq:

Siullertut sallititaq: Tunisinermi inaarutaasumik akip 60 %-ia pisisumit aningaasalersorneqassaaq (tassa 493.200 kr.-t)

Tulliatut sallititaq: Tunisinermi inaarutaasumik akip 40 %-ia pisortanit aningaasalersorneqassaaq (tassa 328.800 kr.-t)

Pingajuattut sallititaq: aningaasarsiorneqassaaq pissutsinut qularnaveeqqusiussaqaarluni taarsigassarsinermi allagartaq, tunisinermi akimi appaanermut naapertuuttoq (193.000-it)

Imm. 5-imut

Akit nikingassutaannut qularnaveeqqusiissummut uppersaat malillugu piginnittut nikinnerini tamatigut aningaasat akilerneqartartussaapput.

Tamatumunnga ilaatinneqanngitsoq pingaarutilittulli aalajangersarneqarpoq piginnittut nikinnerat toqusoqarneranut atatillugu pismappat akit nikingassutaannut qularnaveeqqusiissut akilerneqartussanngussanngilaq, tassa imaappoq toqusoqarnerani pisortat namminersortullu suliarinninnerannut atatillugu kingornussinikkut imaluunniit kingornussinnginnikkut kingornussinermi. Inissiaq nammeneq pigisaq taamaalilluni kimulluunniit kingornussassanngortinneqarsinnaavoq, aningaasat akiligassanngortinnagit.

Aalajangersakkap matuma saniani aappaasoq qimagaasoq pigisat nikisinnagit pigiinnarsinnaavai, tassa pigisat nikisinnagit pigiinnarnerini piginnittut nikinnerattut isigineqarneq ajormata.

Taamaattorli aappaasoq qimagaasoq piginnittup toquneranut atasumik akit nikingassutaannut qularnaveeqqusiissut akiligassanngortillugu inissiamik nammineq pigisamik tunisisinnaangilaq, tassa taamatut pisoqarnerani tuniseqqinneq piginnittup toquneranut atatillugu pisutut isigineqanngimmat.

Piginnittut nikinneranni akit nikingassutaannut qularnaveeqqusiissutip akiligassanngunnginneranut ilaatinneqanngitsoq alla tassaavoq averusernermut imaluunniit avinnermut atatillugu aappariit imaluunniit aappariittut nalunaarsugaasimasut akornanni pisimappat.

Pisumi tassani aningaasannanniartoqarneq ajorpoq, pisorlu taamaattumik toqusoqarneranut atatillugu piginnittut nikinnerannut assersuunneqarluni.

Imm. 6-imut

Akit nikingassutaannut qularnaveeqqusiissutip isumakkeerutiginera pillugu malittarisassanik Naalackersuisut aalajangersaanissaannut aalajangersagaq pisinnaatitsivoq.

Aalajangersagaq ilanngunneqarpoq, assersuutigalugu nunap ilaani sumiiffimmilu ineqarnikkut pissutsit pissutigalugit akit nikingassutaannut qularnaveeqqusiissummut uppersaatiit atuuffissaa tamakkerlugu aalajangiussimaneqartariaqarnani.

Inuiaqatigiinni aningaasarsiornikkut pissutsit allanngorneri, erniani akileraarutit nalingisa allanngorneri, aningaasarsiornikkut kinguariarneq imaluunniit sumiiffimmi niuernikkut pissutsit inissiamut nammineq pigisamut akit nikingassutaannut qularnaveeqqusiissummut uppersaatiit niuerfimmi akit allanngornerinik tunngavilersorneqarsinnaapput.

Akit nikingassutaannut qularnaveeqqusiissummut uppersaammik tamakkiisumik ilaannakuusumilluunniit matussusiinnaasumik inissiami nammineq pigisami imaluunniit illumi nammineq pigisami tunisinermi akip anguneqarsinnaannginnerat uppersarneqarsinnaappat aningaasannanniarnissamut tunngavissaqassanngilaq. Taamaattumik akit nikingassutaannut qularnaveeqqusiissummut uppersaatiit atatiinnarnissaanut pissutissaqassanngilaq.

Akit nikingassutaannut qularnaveeqqusiissummut uppersaammik tamakkiisumik ilaannakuusumilluunniit atorunnaarsitsinikkut aningaasannanniarnarup pinngitsoortinnissaa sakkukillineqanngippat piginnaatitsineq taamaallaat atorneqarsinnaavoq.

Nr. 15-imut

§ 14-imut

Landsstyret Naalackersuisunit taarserlugit, paragraffimi taaguutit nutarterneqassapput.

Nr. 16-imut

§ 14, imm. 3-mut

Aalajangersakkamut ilaapput pissutsit najugaqarfimmi aalajangersimasumi nalinginnaasumik illuummik qularnaveeqqusiilluni taarsigassarsiffiuneq ajortut. Pisisumi pissutsit illuummik qularnaveeqqusiilluni taarsigassarsinissamut itigartitsinissamut tunngavissaqartillugu aalajangersagaq atuutissanngilaq.

Najugaqarfimmi aalajangersimasumi inissiamik nammineq pigisamik imaluunniit illumik nammineq pigisamik pisinerup aningaasalersornissaanut illuummik qularnaveeqqusiilluni taarsigassarsinissaq anguneqarsinnaanngippat inissiamik nammineq pigisamik imaluunniit illumik nammineq pigisamik pisineq aningaaserivimmi taarsigassarsinikkut aningaasalersorneqarsinnaassaaq. Aningaaserivimmi taarsigassarsineq amerlanertigut qaffasinnerusumik erniaqartinneqartarpoq piffissamilu sivikinnerusumi akilersorneqartarlutik. Allatut oqaatigalugu tamatuma kingunerissavaa qaammammut akiliutit qaffasinnerusut.

Siunnersuutigineqarpoq taamatut pisoqartillugu attartortoq tunisinermi akip 50 %-ianut pisortanit taarsigassarsinissaassaaq. 40 %-imiit 50 %-imut qaffaaneq tunisinermi akimik 20 %-imiit 30 %-imut appaanerup qaffanneranut atatillugu isigineqassaaq.

Inoqarfimmi inissiamik nammineq pigisamik pisinerup aningaasalersornissaanut illuummik qularnaveeqqusiilluni taarsigassarsinissaq anguneqarsinnaanngippat inissiamik nammineq pigisamik pisineq aningaasarsinikkut pissutsinut qularnaveeqqusiussaqluni taarsigassarsinermi allagartamik 30 %-imik, pisortani 50 %-imik taarsigassarsinikkut aningaaserivimmilu 20 %-imik taarsigassarsinikkut aningaasalersorneqarsinnaassaaq.

Siunnersuutigineqarpoq aningaaserivimmi taarsigassarsiat piffissami akilersortarnerinut naapertuuttumik pisortanit taarsigassarsiat ukiuni qulini ernialersorneqarnatillu akilersorneqassanngitsut. Aningaaserivimmi taarsigassarsiat akilerneqarsimalerpata pisortanit taarsigassarsiat akilersorneqalissapput soorlu aamma aningaasarsinikkut pissutsinut qularnaveeqqusiussaqluni taarsigassarsinermi allagartap appartikkiartornera aallartissaaq.

Aalajangersimasumik suleriaaseq malillugu ernialersorneqanngitsumik pisortat taarsigassarsinerat akileraarutaasusaaanngitsutut isigineqarpoq, ernialersuinnginnerup qanoq naleqarsinnaanera apeqqutaatinnagu.

Taamaaqataani naatsorsuutigineqarpoq akit nikingassutaannut qularnaveeqqusiissummut uppersaatini atsiorneqarnerminni angissusiannik appaaneq akileraarutaasusaaanngilaq.

Nr. 17-imut

§ 14 b-mut

Imm. 2-mut

1 procentpointimik ilallugu kingumut ernialiinermi erniap Naatsorsueqqissaartarfiup atuisunut akigititanut naleqqersuutaanik tunngaveqassasoq siunnersuutigineqarpoq. Ernialiinermut erniap Nationalbankip ernialiinerani massakut atorneqartumik tunngaveqartup aningaasat naleerukkiartornerannut akerliussanngitsoq pingaartinneqarpoq.

Nr. 18-imut

§ 14 c-mut

Aalajangersagaq nutaajuvoq. Aalajangersakkami siunertaavoq inuusuttut 30-t tikillugit ukiullit tamanut ammasumik tuniniarneqartunik inissianik nammineq pigisanik allanngortinneqarsimasunik atorneqanngitsunillu pisinissamut periarfissaasa pitsaanerulersinnissaat.

Siunnersuutigineqarpoq inuusuttut 30-t tikillugit ukiullit, inissiamik nammineq pigisamik allanngortinneqarsimasunik atorneqanngitsumillu tamanut ammasumik tuniniarneqartunik pisisut attartortunut sanillunneqassasut. Inuusuttut 30-t tikillugit ukiullit attartortut inissianik attartukkanik allanngortinneqarsimasunik pisisunut piunmasaqaatit assigalugit akimik appaaffigineqarlutillu pisortanit aningaasalersuisoqarnissaanik pissarsisinnaassasut.

Imm. 2-mut

Inuusuttoq 30-t tikillugit ukiulik inissiamik nammineq pigisamik imaluunniit illumik nammineq pigisamik piginnittooreerpat imaluunniit piginneqataareerpat pisortat aningaasaleeqataaffigisaanik inissiamik nammineq pigisamik pineqartoq pisinnaangilaq.

Tunisinermi akip appartinnissaanut pisortallu aningaasaleeqataannissaannut inuusuttut piginnaatitaaffeqalernissaannut piunmasarineqarpoq inissamut nammineq pigisamut pisinermi akip niuerfimmi akinit qaffasinnerunnginnissaat, tak. siunnersuummi § 12. Pisinermi aki niuerfimmi nalimit qaffasinneruppat pisineq pisortat aningaasaleeqataatinnagit nalinginnaasumik niuernertut aningaasalersorneqartariaqarpoq. Taamaalilluni pingaartinneqarpoq inuusuttut 30-t tikillugit ukiullit pisortat aningaasaleeqataanerisigut niuerfimmi nali qaangerlugu pisinermi akimik neqeroorfigineqarsinnaanngitsut.

Nr. 19-imut

§ 14 d-mut

Siunnersuutigineqarpoq qularnaveeqqusiussaqaarluni taarsigassarsinermi allagartat, akit nikingassutaannut qularnaveeqqusiissummut uppersaasatit aamma akiitsunut allagartat, inissianik nammineq pigisanik illunillu nammineq pigisanik allanngortinneqartunik pisortat tunisinerinut atasumik pisortanut atulersinneqartut tunisinernut, taarsigassarsianut sallunaveeqqutitut imaluunniit akiligassaqaarfiit malersornerinut atorneqassanngitsut.

Qularnaveeqqusiinermut allagartaq ilumoortoq tammartuussagaluarpak akiligassalik qularnaveeqqusiinermut allagartaq naapertorlugu allanngussanngitsaq qularnaarneqartussaavoq, taamaammallu pisortani oqartussa qularnaveeqqusiinermut allagartami erseqqissarneqartoq pineqaannartussaavoq.

Aaqqissuussinerup inatsisitigut inerteqqutaanngitsup Kalaallit Nunaanni Eqqartuussiviup qularnaveeqqusiinermut allagartat tammartut pisortanut tunniunneqartut pisortani oqartussap uppersanngitsumik uppersaanera tunngavigalugu peerneqarsinnaassasut nalilerneqarpoq, tamakkumi nalunaarsuinermit malittarisassaq (registrettingsprotokollen) naapertorlugu qularnaveeqqusiinermut allagartanut tammartunut pisinnaatitaaffiuvoq. Aaqqissuussineq manna taarsigassarsititsisarfinni qularnaveeqqusiussaqaarluni taarsigassarsinermi allagartat tammartut suujunnaarsittarnissaat eqqarsaatigalugu Danmarkimilu pigisanik nalilersuinermit inatsimmi § 11, imm. 2-mik atuuttumik atuisarnissamut tunngavigalugu suleriaaserineqartumut Kalaallit Nunaanni Eqqartuussivimmit akuerineqartumut naapertuuttussaavoq.

Nr. 20-mut

§ 15-imut

Namminersornerullutik Oqartussat Namminersorlutik Oqartussanik taarserlugit, paragraffimi taaguutit nutarterneqassapput.

Nr. 21-mut.

§ 16-imut

Aalajangersakkap inuit akornanni piginnittut nikinneri ilaatinngit pisortanit taarsigassarsiat piginnittut nikinnerini akiligassanngortittarneri pillugu tunngavimmik ingerlatitseqqippoq. Malittarisassatut nutaatut siunnersuutigineqarpoq piginnittut nikinnerannik 15 %-imik akiliut akilerneqartassasoq. Siunnersuut Illuliortiternernut aningaasalersuineq pillugu Inatsisartut peqqussutaanni malittarisassat taamaaqataannut naapertuuppoq.

Imm. 1-imut

Pisortat piginnittut nikinneri pillugit tamatigut ilisimatinneqartassapput. Aalajangersagaq tassaavoq malittarisassaq, taamaalilluni qularnaveeqqusiussaqaarluni taarsigassarsinermi

allagartaq naapertorlugu akiitsortit kina isigineqassanersoq ataavartumik paasisaqarnissaq qulakkeerneqarluni tassungalu ilanngullugu piginnittut nikinnerini akiliummik akiliisoqassanersoq imaluunniit qularnaveeqqusiussaqaarluni taarsigassarsinermi allagartaq akiligassanngorsimanersoq.

Pisortat taarsigassarsisitsinerat aallaaviatigut piginnittut nikinnerini akilerneqartussanngortarpoq. Aalajangersagaq piginnittut nikinnerinut tamanut atuuppoq. Inatsisartut peqqussutaat manna imaluunniit siusinnerusukkut inatsisit naapertorlugit taarsigassarsiaqareersimasut inuit akornanni piginnittut nikinnerini taamaallaat pisortanit taarsigassarsiat akiligassanngussapput.

Piviusumik illumik tunisisup qulakkeertarpar pisortat taarsigassarsisitsisutut akiitsortit pisortatigoortumik nikinnerinik akuersaarnissaat taamaalillunilu qularnaveeqqusiussaqaarluni taarsigassarsinermi allagartaq naapertorlugu akisussaajunnaarnermut uppersaassalluni.

Tamanna pisisup akiitsunik tiguserminik nalunaaruteqarfigisaanik, taarsigassarsisitsisup akuerisaanik qularnaveeqqusiussaqaarluni taarsigassarsinermi allagartamut ilassuteqarnikkut amerlanertigut pisarpoq. Piviusumik pisisoq illumi siunissami qularnaveeqqusiinerup akuerineqarnera pillugu pisortanut aamma qinnuteqassaaq.

Taamaaqataanik pisortani taarsigassarsiat tiguneqarsinnaaneri imaluunniit Kalaallit Nunaanni Eqqartuussivimmi nalunaarsuinernik allattuiffimmi inissiaq pillugu allagartami nalunaarsugaajunnaarnissaa pisisumit qulakkeerneqartussaalluni.

Imm. 2-mut

Siunnersuutigineqarpoq piginnittut nikinnerini tamani pisortani taarsigassarsiani taarsigassarsiat atsiorneqarnerminni angissusiisa 15 %-iinig piginnittut nikinnerini akiliut akilerneqartassaq. Taarsigassarsiat atsiorneqarnerminni angissusiat tassaavoq qularnaveeqqusiussaqaarluni taarsigassarsinermi allagartap aallaqqaammut annertussusaa.

Akiitsut akilersuinikkut appartinneqaraluartut taarsigassarsiat atsiorneqarnerminni angissusiat tunngavigalugu piginnittut nikinneranni akiliut naatsorsorneqassaaq.

Piginnittut nikinnerini akiliummik akiliineq tassaavoq inissiamik pisisup pisortat taarsigassarsisitsinerannik tiguserani piumasaqaataasoq taamaalillunilu tunisisoq taarsigassarsisitsinermiit peqataajunnaarsinneqarluni. Piviusumik tunisisoq piginnittut nikinnerannik akitsuummik pisortanut akiliissaaq. Taarsigassarsiat atsiorneqarnerisa angissusiata appartinneqarnera pillugu aamma piginnittut nikinnerini akiliutip akilerneqarnerata kingorna taarsigassarsiat sinnerinik pisisup taarsigassarsianik tiguserani qularnaveeqqusiinermi allagartamik pisortat uppersaassapput.

Imm. 3-mut.

Imm. 3-mi piginnittut nikinnerini taarsigassarsiat annertussusaat imaluunniit pisortat taarsigassarsisitsineranni annerpaamik ataqqisassaat aalajangersarneqarpoq.

Piginnittoq nutaaq nutaanik taarsigassarsisinnaavoq imaluunniit siusinnerusukkut piginnittup taarsigassarsiaanut inississinnaalluni.

Erseqqissarneqarpoq siuliani taarsigassarsiat annerpaat naatsorsorneranni niuernerimi aningaasartuutit ilanngullugit naatsorsorneqassasut. Niuernerimi aningaasartuutitut ilaapput illumik pisinnermut atasut aningaasartuutaasartut.

Tassaniipput eqqartuussissuserisumit ikiorneqarnek, piginnittuunerimi uppersaamma aamma qularnaveeqqusiinerimi allagartanik naqissusiinerimi akitsuutit kiisalu aningaaserivimmi aamma illuummik qularnaveeqqusiilluni taarsigassarsisitsisarfimmi taarsigassarsinerimi aningaasartuutit assigiinngitsut. Manna tikillugu suleriaatsit malillugit inissianut nalinginnaasunut niuernerimi aningaasartuutit ataqqineqartut 100 – 150.000 kr.-nik qaffasissuseqartarput. Inissianut akisunerusunut niuernerimi aningaasartuutit taamaattoq 150.000 kr.-t sinnersinnaavai.

Nr. 22-mut

§ 16 a-mut

Pisortat taarsigassarsisitsinerini nalinginnaasumik akiliiffissanut tunngavik aalajangersakkami ingerlateqqinneqarlunilu annertusineqarpoq. Siunnersuut inatsisartut peqqussutaanni atuuttumi § 16, imm. 3-mut naapertuuppoq. Imm. 1-imi nr. 2-3 akiliisoqarnissaanut tunngaviusutut nutaatut ikkunneqarput.

Imm. 2-mi inatsisitigut pisinnaatitaasunut pisussaataitaasunullu attartortitsineq pillugu aalajangersagaq ikkunneqarpoq.

Aalajangersakkami taarsigassarsiat qanoq ilinerani akiligassannortinnissaannik malittarisassaqaqtitsivoq. Taarsigassarsiat akilernerqartussannortinneqarpata, tamanna isumaqarpoq taarsigassarsisoq taarsigassarsiat tamaasa ataatsikkoortillugit akilernissaannut pisussaaffeqartoq. Piumasaqaat nalinginnaasumik akiliisitsiniarnermut tunniunneqassaaq.

Imm. 1-imut

Nr. 1-imut

Pisortat taarsigassarsisitsinerini qularnaveeqqutitut atulersinneqartuni qularnaveeqqusiussaqaarluni taarsigassarsinerimi allagartani taarsigassarsinnermut piumasaqaatinik pisortat ikkussisinnaapput taamaalillutillu piumasaqaatinik sumiginnaanerit akileeqqusinnermik kinguneqarsinnaallutik.

Nr. 2-mut

Inissianut taarsigassarsisitsisoqartillugu peqatigisaanik inissiani qularnaveeqqusiisoqarluni taarsigassarsisoqarsimatillugu inissiap illersorneqarsinnaasumik aserfallatsaaliornissaanut taarsigassarsisoq pisussaaffeqartarpoq. Taarsigassarsisoq illup ilaanik tamanna pisariaqartillugu akulikitsumik taarsiisassaaq imaluunniit iluarsaasassaaq, assersuutigalugu qaliaq ussiittoq imaluunniit igalaat ussiittut taarserlugit imaluunniit iluarsaallugit. Aammattaaq taarsigassarsisoq inissiamik aqqissugaasumik aserfallatsaaliuissaaq, assersuutigalugu illup silataa pisariaqarnera naapertorlugu akulikitsumik qalipattarlugu.

Inissiani nammineq pigisani silataani aserfallatsaaliinerit illullu ilaani ataatsimoorussani aserfallatsaaliinerit piginnittut peqatigiiffianit isumagineqartarput.

Nr. 3-mut

Ikuallattoornissamut illullu ajoqusersinnaaneranut inissiamik sillimmasiinermi akiligassanik akiliinngitsoorneq akiliinissamut tunngaviuvoq, tassa sillimmasiinermi akiligassanik kinguaattoornerit pisortat qularnaveeqqusiinerata nalinganut annertuumik aarlerinartorsortitsimmata. Ikuallattoornissamut illullu ajoqusersinnaanermullu sillimmasiinermit ilaapput ileqqusumik sillimmasiineq, illup ikuallattoornermut illullu ajoqusersinnaaneranut sillimmasiiffiusartoq. Inissiani nammineq pigisani ikuallattoornissamut illullu ajoqusersinnaanermullu sillimmasiineq piginnittut peqatigiiffianit isumagineqarlunilu akilerneqartarpoq.

Nr. 4-mut

Inissiamik nammineq pigisamik imaluunniit illumik nammineq pigisamik namminersortumit pigineqartumik attartornermi inatsisinut qaqugukkulluunniit atuuttunut akerliusumik inuup pigisaanik inissiamik taarsigassarsiffiusimasumik attartortitsineq akiliinissamut tunngaviuvoq. Attartornermi inatsisit malillugit qaffasinnerusumik attartornermi akiliuteqartitsineq taamaalilluni assersuutigalugu akiliinissamut tunngaviuvoq.

Nr. 5-imut

Pisortanit taarsigassarsiat kingunerisaannik inissiap nammineq pigisap imaluunniit illup nammineq pigisap najugaqarfittut, aalajangersimasumillu najugaqarfittutpinnani siunertanut allanut taarsigassarsisumit imaluunniit attartortumit taassumalu inoqutigisaanit atorneqarsinnaannginnera erseqqissarneqarpoq.

§ 16a, imm. 1, nr. 5-issatut siunnersuummi erseqqissaatigineqarpoq, inissiat pisortanit taarsigassiivigineqarsimasut piginnittunit, taassumallu inoqutigisaanit, attartortippallu attartortumit, taassumallu inoqutigisaanit taamaallaat najugaqarfittut, aalajangersimasumillu najugaqarfittut atorneqassasoq. Taassumap kingunerisaanik piginnittup imaluunniit attartortup inissiaq najugaqarfittuinnaq atussavaat, ilutigisaanillu inissiami aalajangersimasumik najugaqartutut inuit allattorfimaffianni nalunaarsorsimassalluni. Inissiap ilaanik

najugaqarfittut inummut attartortitsineq, attartortumullu aajangersimasumik najugaqarneq siunnersuutip sinaakkutaasa iluini pisinnaavoq.

Inissiamik nammineq pigisamik imaluunniit illumik nammineq pigisamik pisinermut pisortaniit taarsigassarsiffiusimasumiit illumiit inuussutissarsiuutinik ingerlatsisoqarsinnaangilaq. Inuussutissarsiummi pineqartoq tassaavoq, inissiaq suliffeqarfittut inuussutissarsiorfittut atorneqassasoq, matumani suliffeqarfik sinneqartoofiulluni imaluunniit amigartoofiulluni ingerlanneqarnerasoq apeqqutaanani. Taamaammat inissiaq tamakkerlugu ilaannaaluunniit atorlugu inuussutissarsiummik ingerlatsisoqartillugu taarsigassarsiarineqartut akiligassanngortinneqartussaapput.

Inissiami najugallip taassumalu inoqutigiivisa inissiamit inuussutissarsiummik mikinerusumik ingerlatsisinnaanerat matumani mininneqarpoq. Inissiaq annerusumik najugaqarfittut atorneqarneranik pisortat nalilersuilluartussaapput. Nalinginnaasumik inissiami inuussutissarsiummut mikisumik namminersorfiusumut inuussutissarsiupeqarfik inissiap ilaatut taamaallaat annikitsuaraassaaq. Inuussutissarsiuutinut mikinerusunut namminersorfiusunut assersuutitut taaneqarsinnaapput kukkunerisuinermi allaffik mikinerusoq imaluunniit ussasaarinermi allaffik, sullitattut atassuteqarfigisat illumiit anisarlutik, ulluunerani paaqqinnittoq namminersortoq imaluunniit isikkanik passussisoq, illup tamakkiisumik arealianit annikinnerusoq inuussutissarsiorfinngorlugu pisuni tamani.

Inissiap piginnittumit, taassumallu inoqutigisaanit imaluunniit attartortumit, taassumallu inoqutigisaanit najugaqarfiunngitsumik siunertanut allanut, soorlu unnuiffiullunilu ullaakkorsiorarfittut, airbnb aqqutigalugu sivikitsumik attartortittakkatut, tikeraartunut angerlarsimaffittut, tikeraartunut ineeqqatut, akunnittarfeeqqatut, ineeqqatut, akunnittarfittut allatulluunniit, siunertanut allanut atorneqarnera, najugaqarfittut atorneqarneratut isigineqassangilaq. Assinganik assersuutigalugu ineeqqamik suliffeqarfiup sulisuinut, tikeraanut imaluunniit angalasut inissaqartinnissaannut attartortinneqarnera inissiatut, attartortumullu taassumallu inoqutigisaanit aalajangersimasunik najugaqarfittut atorneqartussatut ilaasussaangilaq. Taamatut atuineq aamma inuussutissarsiuutigalugu suliffeqarfittut isikkoqangilaq inuussutissarsiuutillu namminersortutut mikinerusutut isigineqarnani.

Nr. 6-imut

Tunniussinerup nalunaarutigineqarnissaanik aalajangersagaq qulakkeerinneqataavoq, tunniussinermilu piffisamat atatillugu.

Imm. 2-mut

Inuup inissiaanik inatsisitigut pisinnaatitaasumik pisussaatitaasumullu attartortitsineq attartorneq pillugu inatsimmut atuuttumut ilaangilaq. Imm. 2-mut siunnersuutip kinguneraa

inissiat taarsigassarsiffiusut, aamma inatsisitigut pisinnaatitaasunut pisussaataitaasunullu attartortitsinermi attartorneq pillugu inatsit atuuttoq naapertorlugu attartornissamut pisussaaffeqarnerat. Attartorneq pillugu inatsimmut qaqugukkulluunniit attuuttumut akerliusumik piumasaqaateqarluni inissiap inatsisitigut pisinnaatitaasumut pisussaataitaasumullu attartortitsineq akiliinissamut tunngaviuvoq. Attartornermi inatsisit malillugit qaffasinnerusumik attartornermi akiliuteqartitsineq taamaalilluni akiliinissamut tunngaviuvoq.

§ 16 b-mut

Inissianik nammineq pigisanik imaluunniit illunik nammineq pigisanik allanngortinneqartunik pisinermi pisortat taarsigassarsitsinerat taarsigassarsiat allanngortinnerini aamma inissiap ilaata akiitsoqarfiunngitsup qularnaveeqqusiunneranut atasumik inissiamik piginnittut taarsigassarsiaannngortussat ataqqissagai siunnersuutigineqarpoq.

Imm. 1-imut.

Pisortani taarsigassarsititsisut taarsigassarsiat pioreersut allanngortinnerannut imaluunniit allatut pingaarnersiuffiginerannut ilaasumik taarsigassarsianut siulianiittunut inissiamik piginnittumiit taarsigassarsiarineqartunut tulleriarinermik ataqqinninnerlu uppernarsaasinnaanissaat siunnersuutigineqarpoq.

Aalajangersagaq pisortani taarsigassarsititsisunut piginnaatitsissutaavoq. Pisortani taarsigassarsititsisut taarsigassarsiaareersunut tulleriarinermik ataqqinninnermillu uppernarsaanissaannut inissiamik piginnittoq inatsisitigut piumasaqarsinnaanngilaq. Tamanna pisortani oqartussap suleriaasianik pisariaqarsimappallu taarsigassarsiaareersunut oqartussap qanoq annertutigisumik tulleriarinermik ataqqinninnermullu uppernarsaasinnaaneranik tunngaveqarpoq.

Imm. 2-mut

Pisortat taarsigassarsianut siulianiittunut tulleriarinermut ataqqinninnermullu qummut killissarititaat ima naatsorsuuffigineqassapput pisortani taarsigassarsiarineqartut akit nikingassutaannut qularnaveeqqusiissummut uppernarsaammik tamakkulu inissianut ukiut 20-t ataallugit pisoqaassusilinnut massakkut niuerfinni inissiap nalingata 90 %-iata iluaniittunut tunngapput. Inissianut ukiut 20-t sinnerlugit pisoqaassusilinnut qummut killissarititaq inissiap massakkut niuerfinni nalingisaata 80 %-ianiippoq.

Inissiamik piginnittup taarsigassarsiaanut nutaanut pisortat taarsigassarsititsinissaat sioqqullugu pingaarnersiuffigineqartunut qummut killissarititaq ilanngunneqarsimavoq, illuummi pisortanit taarsigassarsititsiffiusumi sulit akit nikingassutaannut qularnaveeqqusiissummut uppernarsaammik qularnaveeqqusiisoqartarnissaata qulakkeernissaa anguniarlugu.

Taarsigassarsiaareersut nalingata naatsorsuiffiginissaani qularnaveeqqusiinermut allagartap massakut pingaarnertut atuuffia atorneqassaaq, matumani pingaarnertut akiligassaqarfimmi akilersuutaasinnaasut eqqarsaatiginagit. Piginnittup qularnaveeqqusiinermut allagartaatai akiitsut pinngorsimasut eqqarsaatiginagit qularnaveeqqusiinermut allagartap massakut nalinga ilanngullugu naatsorsuiffigineqassaaq.

Pisortat taarsigassarsiaareersunut tullerriaarineranut ataqqinninnissamullu uppersaasinnaangillat pingaarnertut akiligassaqarfik pineqartumut assersuutigalugu akinik ingerlaavartumik nalimmassaanernut imaluunniit ernialersuineranut iluarsinissaanut atorneqarsimappata.

Imm. 3-mut

Pisortanit taarsigassarsiarineqartut inissiami akit nikingassutaannut qularnaveeqqusiissummut uppersaammik taarsigassarsianut allaniittunut imaluunniit kingusinnerusukkut pisunut tunngatillugu pingaarnersiuiinikkut allanngortinnagit qulakkeerneqassapput. Akerlianik tullerriaarinissat ataqqinninnissallu pisortat pingaarnersiuiinerannut ajornerulernerannik kinguneqartussaapput.

Taamaammat pisortat tullerriaarinissaanni ataqqinninnissaannilu taarsigassarsiat allat kinguneruttullu atorlugit assinganik tullerriaarinissamut ataqqinninnissamullu uppersaanissaat apequtaassasut siunnersuutigineqarpoq.

Imm. 4-mut.

Illup pisoqaassusaa sananerani atuutilersitsinissamut akuersissummut ulluliunneqartog tunngavigalugu aalajangersarneqassaaq. Illup kingusinnerusukkut allilerneqarsimanera, iluarsanneqarsimanera imaluunniit pingaarnertut iluarsartuunneqarsimanera matumani eqqarsaatigineqassanngillat.

Imm. 5-mut

Inissiap massakut niuerfinni nalinganik naleqquttumik nalilersuinissaq anguniarlugu illunik tuniniaasartuniit nalilersuineq pissarsiarineqassaaq, taannalu illuutini aalajangersimasunik najugassatut pisisarnermik tuniniaasarnermillu suliaqarlutik Kalaallit Nunaanni suliffeqarfimmik ingerlatsisuussaaq.

Nalilersuineq pisarnertut piumasagaatit malillugit nangaassuteqarnani, piumasagaatitaqarnani imaluunniit inniminniisoqarnani aningaasat atorlugit tuniniaanertut ingerlanneqassaaq.

Nr. 23-mut

Ilanngusaaq 2 inatsisartut peqqussutaannut massakut atuuttumut tunngassuteqarpoq, siunnersuullu akuerineqassappat pisariaarutissalluni.

§ 2-mut

Imm. 1-imut

Siunnersuutigineqarpoq allannguutissatut siunnersuut 1. januaarip 2025 atuutilissasoq.

Imm. 2-mut

Piffissaq sioqqullugu taarsiinissamik qinnuteqaat allannguutissatut siunnersuutip atuutilerana sioqqullugu pisortanut nassiunneqartoq tamanna pillugu qinnuteqarfiusumi malittarisassat atuuttut tunngavigalugit suliarineqartassaaq.

Taarsigassarsisoq pisortanit taarsigassarsiaritinneqartut ukiut tallimat qaangiunnerisigut aatsaat piffissaq sioqqullugu akiliinissamik siusinnerpaamik qinnuteqaammik tunniussisinnaavoq. Pisortanit taarsigassarsiaritinneqartut assersuutigalugu ulloq 1. marts 2020 tunniunneqarsimappata piffissaq sioqqullugu akiliinissamik qinnuteqaat siusinnerpaamik ulloq 1. marts 2025 nassiunneqarsinnaassaaq. Qinnuteqartoq assersuutigalugu ulloq 31. december 2024 qinnuteqaammik nassiussinermini malittarisassat atuuttut malillugit piffissami qinnuteqarfiusumi qinnuteqaatini suliaritissinnaassanngilaa.

Ilanngussaq 1

Siunnersuut inatsisinut atuuttunut assersuullugu	
<i>Oqaasertaliunneqartut atuuttut</i>	<i>Siunnersuut</i>
Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq.	§ 1 1. Inatsisip qulequtaa ima oqaasertalerneqassaaq: ” Namminersorlutik Oqartussat kommuunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq.”
§ 1. Peqqussut manna inuk attartortoq pineqartillugu Namminersornerullutik Oqartussat kommunillu inissiaataannik attartortittakkanik agguataarinermut tigusinermullu atuutsinneqassaaq, taamaattorli tak. imm. 2 aamma § 3. <i>Imm. 2.</i> Imm. 1 taamaallaat inissiaatinut attartortittakkanut, Naalakkersuisut imaluunniit kommunalbestyrelsip inissiatut imaluunniit illutut nammineq pigisatut agguataarneqarsinnaasutut tiguneqarsinnaasutullu aalajangersimasaannut atuutissaaq.	2. § 1 ima oqaasertalerneqassaaq; ” § 1. Una peqqussut inuk attartortoq pineqartillugu Namminersorlutik Oqartussat kommuunillu inissiaataannik attartortittakkanik agguataarinermut tigusinermullu atuutsinneqassaaq, taamaattorli tak. imm. 2 aamma § 3. <i>Imm. 2.</i> Imm. 1 taamaallaat inissiaatinut attartortittakkanut, Naalakkersuisut imaluunniit kommunalbestyrelsip inissiatut imaluunniit illutut nammineq pigisatut agguataarneqarsinnaasutut tiguneqarsinnaasutullu aalajangersimasaannut atuutissaaq.”
§ 2. Namminersornerullutik Oqartussat kommunillu inissiaataat attartortittakkat, tak. § 1, imm. 1, tiguneqarsinnaapput: 1) Inissiatut nammineq pigisatut, inissiaateqarfimmi attartortittakkat ataaseq sinnerlugu amerlassuseqarpata. 2) Illutut nammineq pigisatut, inissiaateqarfimmi attartortittagaq ataasiuppat.	3. § 2 ima oqaasertalerneqassaaq: ” § 2. Namminersorlutik Oqartussat kommunillu inissiaataat attartortittakkat, tak. § 1, imm. 1, tiguneqarsinnaapput: 1) Inissiatut nammineq pigisatut, inissiaateqarfimmi attartortittakkat ataaseq sinnerlugu amerlassuseqarpata. 2) Illutut nammineq pigisatut, inissiaateqarfimmi attartortittagaq ataasiuppat.”

<p>§ 3. Peqqussut atuutsinneqassanngilaq:</p> <ol style="list-style-type: none"> 1) Inissianut atorfirmut atatillugu inigineqartussatut immikkoortitanut. 2) Inissianut siunertanut aalajangersimasunut imaluunniit sulisorisat ilaannut atugassiaasunut. 3) Namminersornerullutik Oqartussani pisortaatitanut inissianut imaluunniit utaqqiisaasumik inissianut. 4) Inissianut inissiaqarfinni sulisunut Namminersornerullutik Oqartussani imaluunniit kommunimi atorfeqartitaasunut atugassianut. 5) Inissianut innarluutilinnut imaluunniit angallaruttunut immikkut atugassiatut sananeqarsimasunut aaqqissugaasunulluunniit. 6) Inissianut iluarsartuussinermut isaterinermullu atatillugu Namminersornerullutik Oqartussat kommunilluunniit inisseeqqiffissanik pisariaqartitsinerat naammassiniarlugu atorneqartunut. 7) Inissianut kommunalbestyrelsit isumaginninnermi inissaqartitsinissaannut atugassiaasunut. 8) Inissianut najugaqarfittut atorneqarnermit allaanerusumut atorneqartunut. 9) Ilulissani, Aasianni, Sisimiuni, Nuummi aamma Qaqortumi ilaqutariinnut ataasiakkaanut illut aamma illut affarleriit. <p><i>Imm. 2.</i> Pisuni immikkut ittuni Naalakkersuisut kommunalbestyrelsiluunniit aalajangersinnaapput, inissiat imm. 1-imi nr. 5-imi taaneqartut ataasiakkaat peqqussummi matumani pineqartunut ilaatinneqassasut.</p>	<p>4. § 3 ima oqaasertalerneqassaaq:</p> <p>” § 3. Peqqussut atuutsinneqassanngilaq:</p> <ol style="list-style-type: none"> 1) Inissianut atorfirmut atatillugu inigineqartussatut immikkoortitanut. 2) Inissianut siunertanut aalajangersimasunut imaluunniit sulisorisat ilaannut atugassiaasunut. 3) Namminersorlutik Oqartussani pisortaatitanut inissianut imaluunniit utaqqiisaasumik inissianut. 4) Inissianut inissiaqarfinni sulisunut Namminersorlutik Oqartussani imaluunniit kommunimi atorfeqartitaasunut atugassianut. 5) Inissianut innarluutilinnut imaluunniit angallaruttunut immikkut atugassiatut sananeqarsimasunut aaqqissugaasunulluunniit. 6) Inissianut iluarsartuussinermut isaterinermullu atatillugu Namminersorlutik Oqartussat kommunilluunniit inisseeqqiffissanik pisariaqartitsinerat naammassiniarlugu atorneqartunut. 7) Inissianut kommunalbestyrelsit isumaginninnermi inissaqartitsinissaannut atugassiaasunut. 8) Inissianut najugaqarfittut atorneqarnermit allaanerusumut atorneqartunut. 9) Ilulissani, Aasianni, Sisimiuni, Nuummi aamma Qaqortumi ilaqutariinnut ataasiakkaanut illut aamma illut affarleriit. <p><i>Imm. 2.</i> Pisuni immikkut ittuni Naalakkersuisut kommunalbestyrelsiluunniit aalajangersinnaapput, inissiat imm. 1-imi nr. 5-imi taaneqartut ataasiakkaat peqqussummi matumani pineqartunut ilaatinneqassasut.”</p>
	<p>5. § 3-p kingorna immikkoortoq nutaaq ilanngunneqassaaq:</p>

	<p><i>Namminersorlutik Oqartussat kommunillu attartortittagaasa pigisatut inissianngortissinnaanerit.</i></p> <p>“ § 3 a. Namminersorlutik Oqartussat inissiaatai attartortittakkat nammineq pigisatut Naalakkersuisunit inissianngortinneqarsinnaapput.</p> <p><i>Imm. 2.</i> Inissiatut attartortittakkatut allanngortinneqareerneratigut, tak. imm. 1, Naalakkersuisut inissiaatinut ataasiakkaanut piginnittutut pisussaaffeqarlutik piginneqatigiiffimmut piginneqataasutut inississapput.</p> <p>§ 3 b. Kommunip inissiaatai attartortittakkat nammineq pigisatut kommunalbestyrelsimit inissianngortinneqarsinnaapput.</p> <p><i>Imm. 2.</i> Inissiatut attartortittakkatut allanngortinneqareerneratigut, tak. imm. 1, kommunalbestyrelsi inissiaatinut ataasiakkaanut piginnittutut pisussaaffeqarlutik piginneqatigiiffimmut piginneqataasutut inississapput.</p> <p>§ 3 c. Inissiat namminerisamik pigisat § 3a-mi imaluunniit 3b-mi pineqartut, allanngortitserernerup kingorna attartortutut inissisimasut tuniniaanikkut tiguisinnaaneraniq neqeroorfigineqassapput. §6 aamma § 11-12 taamaaqataanik atuutissapput.</p> <p>§ 3 d. Inissiani attartortittakkani attartortittakkanik inissiatut nammineq pigisatut allanngortitsinerni, attartortup inissiaq attartukkani pigisutut tigusunngippagu attartorneqartoq allanngortinnagu ingerlatiinnarneqassaaq.</p> <p><i>Imm. 2.</i> Inissiani attartortittakkani inissiat allat inissiatut nammineq pigisatut allanngortinneqarpata, attartortumut</p>
--	---

	<p>attartornermi atugassarititaasut, tak. imm. 1, allanngortinneqassanngillat.</p> <p><i>Imm. 3.</i> Ieqqorissaarnissaq pillugu malittarisassani aalajangersakkat, piginneqatigiilluni inissiaatillit peqatigiiffiannit akuerineqartut, attartortunut illuummiiginnartunut, pisussaaffiliipput.</p> <p>§ 3 e. Inissiat suli pisiarineqanngitsut § 3a-mut imaluunniit 3b-mut tunngasut, tamanut tuniniaanikkut piserusuttumut tunniunneqassaaq, illup nalingata niuffaffimmi nalilerneratigut minnerpaamik 7.000 kr./ m² illup annertussusaa tamakkiisoq, tak. taamaattorli imm. 2-3.</p> <p><i>Imm. 2.</i> Naalakkersuisut Inatsisartut Aningaasaqarnermut akileraartarnermullu ataatsimiititaliaanit allakkatigut akuerineqarnermikkut niuernermi nalinganit akikinnerusumik aamma m²-imut 7.000 koruuninik akikinnerusumik inimik tuniniaasinnaallutillu tunisaqarsinnaapput. .</p> <p><i>Imm. 3.</i> Kommunalbestyrelsi Naalakkersuisunit allakkatigut akuerineqarnermikkut niuernermi nalinganit akikinnerusumik aamma m²-imut 7.000 koruuninik akikinnerusumik inimik tuniniaasinnaallutillu tunisaqarsinnaapput.</p> <p><i>Imm. 4.</i> Naalakkersuisut kommunalbestyrelsilu tamanut ammasumik inimik tuniniaasariaqanngilaq, inissianillu attartorneqanngitsunik attartortitsisoqarsinnaavoq, tak. § 3d, tamanna inissianut illoqarfinni imaluunniit nunaqarfnni pineqartunut inissiat niuerfimmi nalinganut annaasaqaataasinnaappata. Allamut attartortitsineq taamaallaat atugassarititaasut piffissamut killiligaasut tunngavigalugit aamma qaammatit 12-ikkaarlugit pisinnaavoq, qaammatit 6-ikkaarlugit sivitsuisarnissaq periarfissaqarluni. “</p>
--	--

<p>§ 4. Namminersornerullutik Oqartussat kommunilluunniit inissiaataanni attartortittakkani attartortoq inissiamik attartukkaminik inissiatut imaluunniit illutut nammineq pigisatut tigusinissaminik qinnuteqarsinnaavoq. Qinnuteqaat Naalakkersuisunut imaluunniit kommunalbestyrelsimut nassiunneqassaaq, tassungalu qinnuteqartup tunisinermi akigititaasup ilaata sinneruttup aningaasalersornissaanut periarfissaqarneranik aningaaserivimmiit nalunaarut pisussaaffiliinngitsoq ilanngunneqassaaq, tak. § 14, imm. 1.</p>	<p>6. § 4 ima oqaasertalerneqassaaq: ” § 4. Namminersorlutik Oqartussat kommunilluunniit inissiaataanni attartortittakkani attartortoq inissiamik attartukkaminik inissiatut imaluunniit illutut nammineq pigisatut tigusinissaminik qinnuteqarsinnaavoq. Qinnuteqaat <i>Naalakkersuisunut</i> imaluunniit kommunalbestyrelsimut nassiunneqassaaq, tassungalu qinnuteqartup tunisinermi akigititaasup ilaata sinneruttup aningaasalersornissaanut periarfissaqarneranik aningaaserivimmiit nalunaarut pisussaaffiliinngitsoq ilanngunneqassaaq, tak. § 14, imm. 1.”</p>
<p>§ 5. Inissiamik attartortittakkamik inissiatut nammineq pigisatut qinnuteqaat akuerineqarpat, Naalakkersuisut imaluunniit kommunalbestyrelsip inissiaammi inissiat attartortittakkat inissianut nammineq pigisanut agguataassavai, kiisalu qinnuteqartup piginneqatigiilluni inissiaatillit peqatigiiffiannik pilersitsinissaanik aammalu piginnittut peqatigiiffiata malittarisassaanic suliaqarneranut ikiuutissalluni. <i>Imm. 2.</i> Naalakkersuisut inissiaammi inissiat attartortittakkat agguataarneqarnissaannik maleruagassanic sukumiinerusunik aalajangersaasinnaapput, taakkununga ilanngullugit nalunaarsuineq piginnittunullu immikkut ittumik piumasarisat.</p>	<p>7. § 5 ima oqaasertalerneqassaaq: ” § 5. Inissiamik attartortittakkamik inissiatut nammineq pigisatut qinnuteqaat akuerineqarpat, Naalakkersuisut imaluunniit kommunalbestyrelsip inissiaammi inissiat attartortittakkat inissianut nammineq pigisanut agguataassavai, kiisalu qinnuteqartup piginneqatigiilluni inissiaatillit peqatigiiffiannik pilersitsinissaanik aammalu piginnittut peqatigiiffiata malittarisassaanic suliaqarneranut ikiuutissalluni. <i>Imm. 2.</i> Naalakkersuisut inissiaammi inissiat attartortittakkat agguataarneqarnissaannik maleruagassanic sukumiinerusunik aalajangersaasinnaapput, taakkununga ilanngullugit nalunaarsuineq piginnittunullu immikkut ittumik piumasarisat.”</p>
<p>§ 6. Inissiaateqarfimmi inissiat attartortittakkat inissianut nammineq pigisanut agguataarneqareerpata, Naalakkersuisut imaluunniit</p>	<p>8. § 6 ima oqaasertalerneqassaaq: ” § 6. Inissiaateqarfimmi inissiat attartortittakkat inissianut nammineq pigisanut agguataarneqareerpata, <i>Naalakkersuisut</i> imaluunniit</p>

<p>kommunalbestyrelsip makku qinnuteqartumut nassiutissavai:</p> <p>1) Qinnuteqartup inissiamik attartortittakkamik najukkaminik inissiatut nammineq pigisatut tiguisinnaaneranut allakkatigut neqeroorut.</p> <p>2) Piginnittut peqatigiiffiat pillugu paasissutissat aamma malittarisassat assilineri.</p> <p>3) Tunisinissamut tamakkiisumut pilersaarussiaq, inissiami nammineq pigisami agguaqatigiisitsinissamut kisitsisitalik.</p> <p>4) Inissiap nammineq pigisap sananeqarneranut nassuiaatinut paasissutissat, tak. ilanngussaq 1.</p> <p>5) Inissiap nammineq pigisap niuernerminalinganut paasissutissat.</p> <p>6) Najugaqarfimmi imaluunniit ingerlatsinermut aserfallatsaaliuinemullu immikkoortortami, inissiap attartortittakkap attuumassuteqarfigisaani ukiumi pineqartumi ingerlatsinermut missingersuutit.</p> <p>7) Najugaqarfimmi imaluunniit ingerlatsinermut aserfallatsaaliuinemullu immikkoortortami, inissiap attartortittakkap attuumassuteqarfigisaani naatsorsuutit akuerisat kingullit.</p> <p>8) Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tiguisinerup kingorna inissianut nammineq pigisanut attuumassuteqartussatut nalilerneqartut pillugit paasissutissat.</p> <p><i>Imm. 2.</i> Tigusinissamik neqeroorut Naalakkersuisut imaluunniit kommunalbestyrelsip allakkatigut neqeroorutaata nassiutereernerani qaammatit pingasut qaangiutsinnagit akuerineqassaaq.</p> <p><i>Imm. 3.</i> Inissiaateqarfimmi inissiat attartortittakkat inissianut nammineq</p>	<p>kommunalbestyrelsip makku qinnuteqartumut nassiutissavai:</p> <p>1) Qinnuteqartup inissiamik attartortittakkamik najukkaminik inissiatut nammineq pigisatut tiguisinnaaneranut allakkatigut neqeroorut.</p> <p>2) Piginnittut peqatigiiffiat pillugu paasissutissat aamma malittarisassat assilineri.</p> <p>3) Tunisinissamut tamakkiisumut pilersaarussiaq, inissiami nammineq pigisami agguaqatigiisitsinissamut kisitsisitalik.</p> <p>4) Inissiap nammineq pigisap sananeqarneranut nassuiaatinut paasissutissat, tak. ilanngussaq 1.</p> <p>5) Inissiap nammineq pigisap niuernerminalinganut paasissutissat.</p> <p>6) Najugaqarfimmi imaluunniit ingerlatsinermut aserfallatsaaliuinemullu immikkoortortami, inissiap attartortittakkap attuumassuteqarfigisaani ukiumi pineqartumi ingerlatsinermut missingersuutit.</p> <p>7) Najugaqarfimmi imaluunniit ingerlatsinermut aserfallatsaaliuinemullu immikkoortortami, inissiap attartortittakkap attuumassuteqarfigisaani naatsorsuutit akuerisat kingullit.</p> <p>8) Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tiguisinerup kingorna inissianut nammineq pigisanut attuumassuteqartussatut nalilerneqartut pillugit paasissutissat.</p> <p><i>Imm. 2.</i> Tigusinissamik neqeroorut Naalakkersuisut imaluunniit kommunalbestyrelsip allakkatigut neqeroorutaata nassiutereernerani qaammatit pingasut qaangiutsinnagit akuerineqassaaq.</p> <p><i>Imm. 3.</i> Inissiaateqarfimmi inissiat attartortittakkat inissianut nammineq</p>
--	--

<p>pigisanut agguataarneqareerpata, Naalakkersuisut imaluunniit kommunalbestyrelsip attartortutut sinneruttunut uku nassiuutissavaat:</p> <p>1) Inissiamik attartortittakkamik najukkaminik inissiatut nammineq pigisatut tiguisinnaaneratt pillugu nalunaarut.</p> <p>2) Piginnittut peqatigiiffiat pillugu paasissutissat aamma malittarisassat assilineri.</p>	<p>pigisanut agguataarneqareerpata, Naalakkersuisut imaluunniit kommunalbestyrelsip attartortutut sinneruttunut uku nassiuutissavaat:</p> <p>1) Inissiamik attartortittakkamik najukkaminik inissiatut nammineq pigisatut tiguisinnaaneratt pillugu nalunaarut.</p> <p>2) Piginnittut peqatigiiffiat pillugu paasissutissat aamma malittarisassat assilineri.</p>
<p>§ 7. Attartortup inissiamik attartukkaminik inissiatut nammineq pigisatut tiguisinissamut periarfissaminik atuinnissani kissaatiginngikkuniuk:</p> <p>1) Inissiaammi inissiamik attartortuinnarsinnaavoq.</p> <p>2) Naalakkersuisut imaluunniit kommunalbestyrelsip illoqarfimmi najukkami inissiamik attartortittakkamik allamik neqeroorutaa akuerisinnaavaa, tamanna inissianik attartortitsisarneq pillugu peqqussummi periarfissaqarpat.</p> <p><i>Imm. 2.</i> Attartortup inissiaateqarfimmi attartortuinnartussap ineqarnermut akiliutissaa taamatut attartornermi ineqarnermut akiliutip naatsorsorneqartarneranut maleruagassat nalinginnaasut naapertorlugit aalajangersarneqassaaq.</p> <p><i>Imm. 3.</i> Inissiaateqarfimmi inissianik nammineq pigisassanik agguataariffiusumi attartortuinnartussamut piginnittut peqatigiiffiata malittarisassaani torersaarnissamut aalajangersakkat atuuttussaapput</p>	<p>9. § 7 ima oqaasertalerneqassaaq:</p> <p>” § 7. Attartortup inissiamik attartukkaminik inissiatut nammineq pigisatut tiguisinissamut periarfissaminik atuinnissani kissaatiginngikkuniuk:</p> <p>1) Inissiaammi inissiamik attartortuinnarsinnaavoq.</p> <p>2) Naalakkersuisut imaluunniit kommunalbestyrelsip illoqarfimmi najukkami inissiamik attartortittakkamik allamik neqeroorutaa akuerisinnaavaa, tamanna inissianik attartortitsisarneq pillugu peqqussummi periarfissaqarpat.</p> <p>3) Inissiat attartortittakkat allat inissiatut nammineq pigisatut allanngortinneqarpat, attartortumut attartornermi atugassarititaasut, tak. imm. 1, allanngortinneqassanngillat.</p> <p><i>Imm. 3.</i> Inissiaateqarfimmi inissianik nammineq pigisassanik agguataariffiusumi attartortuinnartussamut piginnittut peqatigiiffiata malittarisassaani torersaarnissamut aalajangersakkat atuuttussaapput.”</p>
	<p>10. § 9 ima oqaasertalerneqassaaq:</p>

<p>§ 9. Inissiaammi inissianik nammineq pigisassanik agguataariffiusumi inissiaq attartortittagaq inoqanngitsoq Namminersornerullutik Oqartussanit imaluunniit kommunimit pigineqartoq inissianik attartortitsisarneq pillugu Inatsisartut peqqussutaanni maleruagassat naapertorlugit innersuunneqanngippat, Naalakkersuisut imaluunniit kommunalbestyrelsip inissiaq attartortittagaq inoqanngitsoq tamanut ammasumik tuniniaanikkut tunisinnaavaa. Pisinermut atatillugu aningaasartuutissat tamarmik pisisumit akilerneqassapput.</p> <p><i>Stk. 2.</i> Tamanut ammasumik tuniniaanermi § 11 atorneqassanngilaq.</p>	<p>” § 9. Inissiaammi inissianik nammineq pigisassanik agguataariffiusumi inissiaq attartortittagaq inoqanngitsoq Namminersorlutik Oqartussanit imaluunniit kommunimit pigineqartoq inissianik attartortitsisarneq pillugu Inatsisartut peqqussutaanni maleruagassat naapertorlugit innersuunneqanngippat, Naalakkersuisut imaluunniit kommunalbestyrelsip inissiaq attartortittagaq inoqanngitsoq tamanut ammasumik tuniniaanikkut tunisinnaavaa. Pisinermut atatillugu aningaasartuutissat tamarmik pisisumit akilerneqassapput.</p> <p><i>Imm. 2.</i> Tamanut ammasumik tuniniaanermi § 11 atorneqassanngilaq.”</p>
<p>§ 10. Inissiamik attartortittakkamik illutut nammineq pigisatut tigusinissamik qinnuteqaat akuerineqarpat, Naalakkersuisut imaluunniit kommunalbestyrelsip makku qinnuteqartumut nassiutissavai:</p> <ol style="list-style-type: none"> 1) Qinnuteqartup inissiamik attartortittakkamik najukkaminik illutut nammineq pigisatut tiguisinnaaneranut allakkatigut neqeroorut. 2) Inissiap nammineq pigisap sananeqarneranut nassuiaatinut paasissutissat, tak. ilanngussaq 1. 3) Illup nammineq pigisap niuernermininganut paasissutissat. 4) Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tiguserup kingorna illumut nammineq pigisamut attuumassuteqartutut nalilerneqartut pillugit paasissutissat. <p><i>Imm. 2.</i> Tigusinissamik neqeroorut Naalakkersuisut imaluunniit kommunalbestyrelsip allakkatigut</p>	<p>11. § 10 ima oqaasertalerneqassaaq:</p> <p>” § 10. Inissiamik attartortittakkamik illutut nammineq pigisatut tigusinissamik qinnuteqaat akuerineqarpat, <i>Naalakkersuisut</i> imaluunniit kommunalbestyrelsip makku qinnuteqartumut nassiutissavai:</p> <ol style="list-style-type: none"> 1) Qinnuteqartup inissiamik attartortittakkamik najukkaminik illutut nammineq pigisatut tiguisinnaaneranut allakkatigut neqeroorut. 2) Inissiap nammineq pigisap sananeqarneranut nassuiaatinut paasissutissat, tak. ilanngussaq 1. 3) Illup nammineq pigisap niuernermininganut paasissutissat. 4) Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tiguserup kingorna illumut nammineq pigisamut attuumassuteqartutut nalilerneqartut pillugit paasissutissat. <p><i>Imm. 2.</i> Tigusinissamik neqeroorut Naalakkersuisut imaluunniit kommunalbestyrelsip allakkatigut</p>

<p>neqeroorutaata nassiutereernerani qaammatit pingasut qaangiutsinnagit akuerineqassaaq.</p>	<p>neqeroorutaata nassiutereernerani qaammatit pingasut qaangiutsinnagit akuerineqassaaq.”</p>
<p>§ 11. Inissiap attartortittakkap, inissiatut imaluunniit illutut nammineq pigisatut tiguneqartussatut kissaatigineqartup tunineqarnerani akiusoq niuernermi naligititaasut naapertorlugit aalajangerneqassaaq.</p> <p><i>Imm. 2.</i> Inissiaateqarfinni pingasunik amerlanerusunilluunniit attartortittakkamik inissiaartaqartuni attartortut, tunisinermut akiusup procentianik annertussusilikkamik akikillisaaffigineqassapput, tassani attartortup qanoq sivisutigisumik attartorsimanera apeqqutaatinneqassalluni, tak. imm. 3 aamma ilanngussaq 2. Akikillisaatissaaq tunisinermut akiusup procentianik annertussusilikkamik akikillisaaffigineqarneq apeqqutaatinnagu aningaasartaliunneqartunit ukuninnga annertunerussanngilaq:</p> <ol style="list-style-type: none"> 1) Inissiaq 1-mik aamma 2-nik initalik: 225.000 koruunit. 2) Inissiaq 3-nik initalik: 335.000 koruunit. 3) Inissiaq 4-nik initalik: 445.000 koruunit. 4) Inissiaq 5-nik initalik: 555.000 koruunit. 5) Inissiaq 6-nik amerlanerusunilluunniit initalik: 665.000 koruunit. <p><i>Imm. 3.</i> Attartortup qanoq sivisutigisumik attartorsimanerata naatsorsorneqarnerani attartortitsisup inissiaataani attartortittakkami attartortup piffissaaq ataannartumik attartortuuffigisaa tunngavigineqassaaq. Attartortoq attartortitsisup inissiaataanni attartortittakkani nuttarluni attartortuusimansoq aammalu inissiat attartortittakkat sumiiffimmi ataatsimiissimansut apeqqutaatinneqanngilaq.</p>	<p>12. § 11 imatut oqaasertalerneqassaaq: “ § 11. Nammineq inissiaartaarnermi tunisinermi akigitinneqartumut naapertuuttumik niuernermi akigititaasut tunngavigineqassapput.</p> <p><i>Imm. 2.</i> Inissiani attartorneqarsinnaasuni attartortut pingasunit amerlanerusunilluunniit attartortoqartuni, tunisinermi akigitinneqartoq 20 %-inik akikillineqassaaq. Sumiiffimmi pigisanut aalaakkaasunut qularnaveeqqusiussanut realkredit-imit taarsigassarsisinnaannginnermik allagaqaammik uppersaatissaqarnermi tunisinermi akigititaq 30 %-inik akikillineqassaaq.</p> <p><i>Imm. 3.</i> Aggualussinermut tigusinermullu aningaasartuutitut tamanut matussutissatut, taakkununga ilanngullugit nalilersuinermit, siunnersorneqarnermut, eqqartuussissuserisoqarnermut aamma piginnittunngornermut akiliutissanut aningaasartuutitut, tunisinermi akigititaq 50.000 koruuninik ilaneqassaaq.”</p>

<p><i>Imm. 4.</i> Agguataarinissamut tigusinissamullu atatillugu aningaasartuutitut tamanut, tassunga ilaallutik naliliinermut, siunnersorteqarnermut, eqqartuussissuserisunut naqissusiinermullu aningaasartuutit, matusissutissanik 50.000 koruuninik tunisinermut akiusoq ilaneqassaaq.</p>	
<p>§ 12. Namminersornerullutik Oqartussat imaluunniit kommunip suliassamik ilisimasalimmut arlaannulluunniit attuumassuteqanngitsumut niuernermi naligititaasoq naatsorsortissavaa.</p>	<p>13. § 12 imatut oqaasertalerneqassaaq: ” § 12. Illuutip massakkut niuerfinni nalinga illuutitut nalilersuinerit illuutit aalaakkaasut najugaqarfissatut pisiarisarnerannut tuniniartarnerannullu Kalaallit Nunaanni suliaqartunik illuutitut sullissisartunit ilisimasalinnit naatsorsuiffigineqassaaq.”</p>
<p>§ 13. Namminersornerullutik Oqartussat kommuniluunniit inissiamut nammineq pigisamut akit nikingassutaannut qularnaveeqqusiissummik nalunaarsuissapput, taannalu tunisinermi akiusup § 11, imm. 2 naapertorlugu akikillisaanerup annertoqqataanik nalilerneqassaaq. Namminersornerullutik Oqartussat imaluunniit kommuni akit nikingassutaannut qularnaveeqqusiissummik 50.000 koruunit inorlugit annertussusilimmik nalunaarsuissanngillat.</p> <p><i>Imm. 2.</i> Akit nikingassutaannut qularnaveeqqusiissut, Namminersornerullutik Oqartussat kommunilluunniit taarsigassarsiarititaannut qularnaveeqqusiissuttip akilereernerani akilerneqartussatut inissisimavoq.</p> <p><i>Imm. 3.</i> Akit nikingassutaannut qularnaveeqqusiissut ukiut 10-it ingerlanerini ukiumut 1/10-inik</p>	<p>14. § 13 ima oqaasertalerneqassaaq: ” § 13. Pisisoq tunisinermi akigititaasumit akikilliliiffigineqartillugu, tak. § 11 imm. 2, Naalakkersuisut inissiamut nammineq pigisamut akit nikingassutaannut qularnaveeqqusiissummik nalunaarsuissapput, taannalu tunisinermi akiusup akikillisaanerup amerlaqataanik nalilerneqassaaq.</p> <p><i>Imm. 2.</i> Pisisoq tunisinermi akigititaasumit akikilliliiffigineqartillugu, tak. § 11 imm. 2, kommunalbestyrelsi inissiamut nammineq pigisamut akit nikingassutaannut qularnaveeqqusiissummik nalunaarsuissapput, taannalu tunisinermi akiusup akikillisaanerup amerlaqataanik nalilerneqassaaq</p> <p><i>Imm. 3.</i> Akit nikingassutaannut qularnaveeqqusiissut, Naalakkersuisut kommunilluunniit taarsigassarsiarititaannut qularnaveeqqusiissuttip akilereernerani</p>

<p>nalikillineqartassaaq, piffissallu nalikillisitsiviusup qaangiunnerani nalunaarsorneqarsimanera peerneqassalluni. Piffissaq nalikillisitsiartuaarfiusoq ullormit tigussiffiusumit aallartissaaq.</p> <p><i>Imm. 4.</i> Piginnittut nikerinneranni akit nikingassutaannut qularnaveeqqusiissut akiligassanngortinneqassaaq, tasanilu toqusoqarneranut, averusernermut avinnermulluunniit atatillugu piginnittut nikerinnerat pineqanngilaq.</p> <p><i>Imm. 5.</i> Naalakkersuisut akit nikingassutaannut qularnaveeqqusiissutinut isumakkeerinnissamut maleruagassanik aalajangersaasinnaapput.</p>	<p>akilerneqartussatut inissisimavoq.</p> <p><i>Imm. 4.</i> Akit nikerarnerinut qularnaveeqqusiussaqarluni taarsigassarsiat tunisinermi akigititaasup 20 %-ii tiguneqarneraniit ukiut tallimat ernialersugaanatillu akilersuutitaqassanngillat. Qularnaveeqqutip ukiut 15-it sinnersimappagit ukiumut 1/15-eriaammik nalikilliisoqartassaaq aamma nalikilliliinerup ingerlanerata naanerani nalunaarsorneqarunnaassalluni.</p> <p><i>Imm. 5.</i> Tunisinermi 30 %-inik akimut qularnaveeqqut akigitinneqartumut taarsigassarsiat ukiuni qulini erniaqaratillu akilersugassaassanngillat. Tamatuma kingorna qularnaveeqqut ukiut 15-it sinneraagagit ukiumut 1/15-eriaammik nalikillisinneqartassaaq aamma nalikilliliinerup ingerlanerata naanerani nalunaarsorneqarunnaassalluni.</p> <p><i>Imm. 6.</i> Toqusoqarnerani, averusernermi avinnermiluunniit piginnittut paarlaannerat eqqaassanngikkaanni, piginnittut paarlaanneranni qularnaveeqqut atorunnaartaassaaq.</p> <p><i>Imm. 7.</i> Qularnaveeqqutissat isumakkeerutaasinnaaneri pillugit Naalakkersuisut malittarisassaliorsinnaapput.”</p>
<p>§ 14. Attartortup inissiamik attartukkaminik inissiatut illutulluunniit nammineq pigisatut tiguserneranut atatillugu, attartortoq tunisinermut akiusup 40%-ia tikillugu Namminersornerullutik Oqartussanit kommunimilluunniit taarsigassarsitinneqarnissaminik piunasaqarsinnaavoq. Namminersornerullutik Oqartussat</p>	<p>15. § 14 ima oqaasertalerneqassaaq:</p> <p>” § 14. Attartortup inissiamik attartukkaminik inissiatut illutulluunniit nammineq pigisatut tiguserneranut atatillugu, attartortoq tunisinermut akiusup 40%-ia tikillugu Namminersorlutik Oqartussanit kommunimilluunniit taarsigassarsitinneqarnissaminik piunasaqarsinnaavoq.</p>

<p>kommuniluunniit tunisinermut akiusup sinneranut anigaasalersueqataasinnaangillat. <i>Imm. 2.</i> Taarsigassarsiat ukiuni 20-ni erniaqaratillu akilersugassaassanngillat, tamatumalu kingorna taarsigassarsiatut angeqqatigiinnik annertussusilerlugit, ukiumut Nationalbankip erniarititaa 3%-inik ilallugu erniaqartinneqarlutik ukiuni 15-ini akilersugassanngortinneqassallutik.</p>	<p>Namminersornerullutik Oqartussat kommuniluunniit tunisinermut akiusup sinneranut anigaasalersueqataasinnaangillat. <i>Imm. 2.</i> Taarsigassarsiat ukiuni 20-ni erniaqaratillu akilersugassaassanngillat, tamatumalu kingorna taarsigassarsiatut angeqqatigiinnik annertussusilerlugit, ukiumut Nationalbankip erniarititaa 3%-inik ilallugu erniaqartinneqarlutik ukiuni 15-ini akilersugassanngortinneqassallutik.”</p>
	<p>16. § 14-imi <i>imm. 3</i>-tut ilanngunneqassaaq: ” <i>Imm. 3.</i> Realkredit aqutugalugu qularnaveeqqusiilluni illoqarfimmi imaluunniit nunaqarfimmi pineqartumi aalajangersimasumik illumik taarsigassarsititsisoqarsinnaannginneranik uppersaasiisoqarpat <i>imm. 1</i> tunngavigalugu tunisinermi akigitinneqartup 50 %-iata naleqqataanik anigaasat attartukkat amerlineqarsinnaapput. Akigitinneqartup 50%-iata naleqqataanik attartortitassat ukiuni qulini erniaqartinneqaratillu akilersugassaangillat, ukiut taakkua qaangiunneranni assigiimmik akilersuilluni ukiut 20-t sinnerlugit Nationalbankip erniaritittagaa procentinik pingasunik ilallugu akilersugassanngussallutik.”</p>
<p>§ 14 b. Taarsigassarsisoq ullutsinnut nalinganut taarsigassarsiat piffissaq sioqqullugu tamakkerlugit akiliisinnaavoq. Piffissaq sioqqullugu taarsigassarsisup taarsigassarsianik inaaraluni akiliinerani akiitsut sinneri ullormi qinnuteqaatip tunniunneqarnerani 3 %-imik ernialerlugit Nationalbankip erniaritittagai ilanngullugit</p>	<p>17. 14 b ima oqaasertalerneqassaaq: ” § 14 b. Taarsigassarsisup taarsigassarsiani maanna naliusut malillugit sioqqutsilluni akilersinnaavai. <i>Imm. 2.</i> Taarsigassarsisup taarsigassarsiani sioqqutsilluni akilerpagit, akiitsut sinneri ullormi qinnuteqaatip tunniunneqarfiani ernialiinerami</p>

<p>akilersukkat kingumut naatsorsorneqassapput. Akiitsut sinneri taarsigassarsisup allakkatigut inaarilluni akiliinissaq pillugu noqqaaneraniit aamma taarsigassarsiani piffissamut ernialersuiffiunanilu akilersuiffiusussaangitsumut sinneruttumut kingumut naatsorsorneqassapput, taamaattorli taarsigassarsiat tunniunneqarneranniit siusinnerpaamik ukiunut tallimanut.</p> <p><i>Imm. 2.</i> Imm. 1 taamaaqataanik 1. januar 2019 sioqqullugu taarsigassarsianut atorreqarsinnaavoq.</p>	<p>erniaritinneqartoq Naatsorsueqqissaartarfiup kingullermik piffissamut qaammatinut 12-inut atuisunut akigititanut naleqqataanik 1 procentpointimik ilallugu allanngortitsinera naatsorsuiffigineqartoq atorlugu utertitsinissaq aalajangersarneqassaaq.</p> <p><i>Imm. 3.</i> Akiitsut sinneri taarsigassarsisup allakkatigut inaarilluni akiliinissaq pillugu noqqaaneraniit aamma taarsigassarsiani piffissamut ernialersuiffiunanilu akilersuiffiusussaangitsumut sinneruttumut kingumut naatsorsorneqassapput, taamaattorli taarsigassarsiat tunniunneqarneranniit siusinnerpaamik ukiunut tallimanut.”</p>
	<p>18. § 14 b kingorna ilanngunneqassaaq: ” § 14 c. Piffissap tigusiffiup nalaani § 3c, imm. 1-mut attuumassutilimmik nammineq pigisamik inissiarsisoq 30-nik inorlugilluunniit ukioqarsimappat, pisortanit aningaasaliiffigineqarnissaminut pisinnaatitaaffeqarpoq, pisinermi akigititap niuerfimmi nalinga sipporsimangippagu, tak. § 12. Aalajangersakkat § 11 aamma § 14 malillugit pisortanit aningaasalersorneqarnissaq naatsorsorneqassaaq.</p> <p><i>Imm. 2.</i> Piffissap tigusiffiusup nalaani inissiamik imaluunniit illumik nammineq piginnittunut imaluunniit piginneqataasunut taarsigassarsisitsisoqarsinnanangilaq. Pisisup tigusinermi nalaani inissiamik imaluunniit illumik nammineq piginnittuunani imaluunniit piginneqataanani pisisup ilumoorluinnarluni nalunaarutigissavaa.”</p>

	<p>19. § 14 c kingorna ilanngunneqassaaq: ” § 14 d. Namminersorlutik Oqartussanut imaluunniit Kalaallit Nunaanni kommuninut qularnaveeqqusiinermut allagartat aamma akiitsunut allagartat Illuliortiternernut aningaasalersuisarneq pillugu Inatsisartut peqqussutaannut uunga imaluunniit siusinnerusukkut Namminersorlutik Oqartussat kommunillu inissianik attartortittagaannik inissiamik piginnittut imaluunniit illumik piginnittut tiguisarneq pillugu inatsisaasimasut naapertorlugit tunniunneqartut kaaviiartitanut, qularnaveeqqusiisarnernut imaluunniit akiligassaqaarfimmiit malersugaanissamut atorineqarsinnaanngillat.”</p>
	<p>20. § 15 ima oqaasertalerneqassaaq: ” § 15. Namminersorlutik Oqartussat kommunilluunniit taarsigassarsiarititaat inissiap illulluunniit nammineq pigisap qularnaveeqqusiunneratigut qularnaarneqassapput. Taarsigassarsiat, inissiaq illuluunniit nammineq pigisaq qularnaveeqqusiullugu tunisinermi akiusup sinneranut aningaasalersuutissatut taarsigassarsiaritit akilereernerini akilerneqartussatut inissisimassapput.”</p>
<p>§ 16. Qularnaveeqqusiussaqaarluni taarsigassarsinermi allagartami, tak. § 15, allamik aalajangiisoqarsimanngippat, qularnaveeqqusiussaqaarluni taarsigassarsinermi allagartaq naapertorlugu piginnittut nikinneranni aningaasaatit akiligassanngortinneqassapput, tassanili taarsigassarsiat pisinermi akiusup 90%-ianut qularnaveeqquserneqarsimanerat ingerlaannartillugu inuinnaat akornanni</p>	<p>21. imatut oqaasertalerneqassaaq: ” § 16. Piginnittut nikinneri pillugit Inatsisartut peqqussutaat una naapertorlugu Naalakkersuisut kommunalbestyrelsillu inissianik imaluunniit illumik piginnittut taarsigassarsianik tapiiffigitissimasut allanngoraangata tamatigut ilisimatinneqartassapput. Taarsigassarsiat taarsigassarsisup nikinnerani akilerneqassapput, tamanna Inatsisartut</p>

<p>piginnittut nikinnerat pineqanngilaq. <i>Imm. 2.</i> Piginnittut nikinneranni aningaasaatit akiligassanngortinneqanngippata, pisisup nutaap atugassarititaasut allannguuteqartinnagit akiitsut akiitsorilersinnaavai. Qularnaveeqqusiussaqaarluni taarsigassarsinermi allagartaq, aningaaserivimmit, sparekassemmit, ernianik naleqqussaaniarluni imaluunnit realkreddittimit taarsigassarsiat, pisisup nutaap aningaasalersuinissaq eqqarsaatigalugu taarsigassarsiarisariaqagaasa akilereernerini akilerneqartussatut inissisimapput. <i>Imm. 3.</i> Namminersornerullutik Oqartussat kommunilluunniit taarsigassarsiarititaat akiligassanngortinneqassapput: 1) Qularnaveeqqusiussaqaarluni taarsigassarsinermi allagartaq naapertorlugu taarsigassarsititsinermi atugassarititaasut sumiginnarneqarpata. 2) Attartortitsinermit aalajangersakkat inissianik attartortitsisarneq pillugu Inatsisartut peqqussutaanni aalajangersarneqartut unioqqutillugit taarsigassarsisup inissiaq illuluunniit nammineq pigisaq attartortippagu.</p>	<p>peqqussutaata una naapertorlugu piginnittut nikinnerini inuit najuuttut taarsiaqareersimannikkaangata. <i>Imm. 2.</i> Piginnittut nikinnerini tamani pisortat taarsigassarsisitsinerani taarsigassarsiat angissusiata 15 %-iatut angitigisumik piginnittut nikinnerannut akiliutissaq akilerneqartassaaq. Pisortat taarsigassarsisitsineranik tigusinermit piumasarineqarpoq piginnittut nikinneranni akiliutit akilerneqarnissaa. <i>Imm. 3.</i> Piginnittut nikinnerini, niuernermi aningaasartuutit missiliussat tapiliunneri ilanngaatigalugit pisinermi akip 90 %-iinik annerpaamik aningaasartaqartut taarsigassarsiat katinneri pisisumit tiguneqartut taarsigassarsinermi ataqqineqassapput. <i>Imm. 4.</i> Piginnittut nikinnerat pillugu paasissutissiisussaataaneq, tak. imm. 1, pisisumiillunilu tunisisumiippoq. <i>Imm. 5.</i> Piginnittut nikinnerat pillugu paasissutissiisut pissaaq, tunniussinissamik pituttorsimasumik isumaqatigiissusiordermit kingusinnerpaamik sapaatip akunnerata ataatsip qaangiunnerani.”</p>
<p>§ 16. [imm. 1-2 ilaatinneqanngillat] <i>Imm. 3.</i> Namminersornerullutik Oqartussat kommunilluunniit taarsigassarsiarititaat akiligassanngortinneqassapput: 1) Qularnaveeqqusiussaqaarluni taarsigassarsinermi allagartaq naapertorlugu taarsigassarsititsinermi atugassarititaasut sumiginnarneqarpata. 2) Attartortitsinermit aalajangersakkat inissianik attartortitsisarneq pillugu Inatsisartut peqqussutaanni</p>	<p>22. § 16 kingorna ikkunneqassaaq: ” § 16 a. Namminersorlutik Oqartussanut kommunimullu taarsigassarsiat akiligassanngussapput, ima pisoqarpat: 1) Qularnaveeqqusiussaqaarluni taarsigassarsinermi piumasaqaatigineqartut malinneqanngippata. 2) Taarsigassarsisup inissiaq illersorneqarsinnaasumik aserfallatsaalisimanngippagu aamma</p>

<p>aalajangersarneqartut unioqqutillugit taarsigassarsisup inissiaq illuluunniit nammineq pigisaq attartortippagu.</p>	<p>Naalackersuisunit imaluunniit kommunalbestyrelsimit akiligassarsisitsisup qularnaveeqqusiissutinik qulakkeerinnissimanngitsoq uppernarsippagu.</p> <p>3) Taarsigassarsisup inissiaq ikuallattoornissamut illullu ajoqusersinnaananut sillimmasersimanngippagu.</p> <p>4) Inissianik attartorneq pillugu inatsisartut peqqussutaanni attartortitsineq pillugu aalajangersakkanut akerliusunik inissiamik taarsigassarsisoq attartortitsippat.</p> <p>5) Inissiaq taarsigassarsisumut imaluunniit attartortumut taassumalu inoqutigiivinut najugaqarfissatut atornagu siunertanut allanut tamakkiisumik ilaannakortumilluunniit atorpeqarpat. Taamaattoq inuussutissarsiuutit minnerusut namminersortut taarsigassarsisumit imaluunniit attartortumut taassumalu inoqutigiivinut ingerlanneqartut mininneqarput.6) Pisoq aamma tunisisoq piginnittup nikinnera paasissutissiissutiginnigpassuk, tak. § 16, imm. 1, 4 aamma 5.</p> <p><i>Imm. 2. Imm. 1, nr. 4 taamaaqataanik atorpeqassaaq inissiaq inatsisitigut pisinnaatitaasumut pisussaataasumullu attartortinneqarpat.</i></p> <p>§ 16 b. Illumut taarsigassarsiat allanngorpata, piginnittullu nikingippata Naalackersuisut taarsigassarsiaareersunut illuutit Naalackersuisunit tunniunneqartup niuerfinni nalingata pisortani taarsigassarsiarineqartut illuummi qularnaveeqqusiinikkut qularnaarneqartut 90 %-iannik annerpaamik ilanngaaffiginerinut ataqqinninnermut nukingisaarinermullu</p>
--	---

	<p>nalunaaruteqarsinnaavoq, taamaattoq tak. imm. 3.</p> <p><i>Imm. 2.</i> Illumut taarsigassarsiat allanngorpata, piginnittullu nikingippata kommunalbestyrelsi taarsigassarsiaareersunut illuutip kommunalbestyrelsimit tunniunneqartup niuerfinni nalingata pisortani taarsigassarsiarineqartut illuummi qularnaveeqqusiinikkut qularnaarneqartut 90 %-iannik annerpaamik ilanngaaffiginerinut ataqqinninnermut nukingisaarinermullu nalunaaruteqarsinnaavoq, taamaattoq tak. imm. 3.</p> <p><i>Imm. 3.</i> Taamaattoq illuutinu ukiut 20-t sinnerlugit pisoqaassusilinnut taarsigassarsiaareersut illuutip niuerfinni nalingata 80 %-iannut angissusilerneqarsinnaapput, matumani illuummi qularnaveeqqusiinikkut pisortani taarsigassarsiarineqartut inerneranni ilanngaateqarnikkut.</p> <p><i>Imm. 4.</i> Naalakkersuisuniit kommunalbestyrelsiniillu ataqqinninnermut nukingisaarisarnermullu uppersaanissaani illuummut akiligassanngortut allat kingusinnerusukkat assinganik nukingisaarinermik nalunaarutigineqarsimanersut apeqqutaassaaq.</p> <p><i>Imm. 5.</i> Illuutip pisoqaassusaa illuummut atuinissamut akuersissutaagallartumut ulluliunneqartoq atorlugu naatsorsorneqassaaq.</p> <p><i>Imm. 6.</i> Illuutip massakkut niuerfinni nalinga illuutinu nalilersuinerit illuutit aalaakkaasut najugaqarfissatut pisiarisarnerannut tuniniartarnerannullu suliaqartunik illuutinu sullissisartunit ilisimasalinnit naatsorsuiffigineqassaaq. Illuutinu nalilersuinerit ataqqinninnissamut</p>
--	---

	nukingisaarinissamullu qinnuteqaatit kingusinnerpaamik ullut qaammatisiuteqarfiusut 30-t sioqqullugit suliarineqareersimassapput.”
	23. Inatsisartut peqqussutaannut ilanngussaq 2 atorunnaassaaq.
	<p style="text-align: center;">§ 2</p> <p>Inatsisartut Inatsisaat ulloq 1. januar 2025 atuutilissaaq.</p> <p><i>Imm. 2</i> Taarsigassarsiat allannguutissatut siunnersuutip atuutilernissaata sioqqullugu, taamaattoq siusinnerpaamik taarsigassarsiap tunniunneraniit ukiut 5-t kingornagut, nassiunneqartut siusissukkut akilernissaannut qinnuteqaat § 14 b atuukkallartoq tunngavigalugu suliarineqassapput aalajangiiffiqineqarlutillu.</p>

Ilanngussaq 2

Tusarniaanermut allakkiaq

1. Uunga siunnersuut: Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaata allanngortinneqarnera pillugu Inatsisartut inatsisaat (Inissianik attartortittakkanik pigisatut inissiannngortitsineq, kaaviaartitsinissamut inerteqqut, piffissaq sioqqullugu taarsigassarsianik akiliineq il. il.) tusarniaanermut nittartakkami qallunaatut aamma kalaallisut 17.08.2024-mit tamanut saqqummiunneqarpoq kingusinnerpaamik akiffissalerlugu 14.09.2024 nal. 12:00.

Siunnersuut ullormi 17.08.2024 mail aqqutigalugu tamanut tusarniutigalugu nassiunneqarpoq, ulloq 14.09.2024 tusarniaanermut piffissalerlugu, ukununngalu nassiunneqarsimavoq:

Nassiussanut allattuiffik:

Naalackersuisup Siulittaasuata Naalackersuisoqarfia (govsec@nanoq.gl)

Aningaasaqarnermut Naligiissitaanermullu Naalackersuisoqarfik (oed@nanoq.gl)

Inuussutissarsiornermut, Niuernermut, Aatsitassanut, Inatsisit Atuutsinneqarnerannut

Naligiissitaanermullu Naalackersuisoqarfik (isiin@nanoq.gl & asn@nanoq.gl)

Aalisarnermut Piniarnermullu Naalackersuisoqarfik (apn@nanoq.gl)

Isumaginninnermut, Ilaqutariinnut, Suliffeqarnermut Nunamullu Namminermut

Naalackersuisoqarfik (isn@nanoq.gl)

Ilinniartitaanermut, Kultureqarnermut, Timersornermut Ilageeqarnermullu

Naalackersuisoqarfik: (ikin@nanoq.gl)

Nunalerinnermut, Imminut Pilersornermut, Nukissiuuteqarnermut Avatangiisinullu

Naalackersuisoqarfik (pan@nanoq.gl)

Meeqqanut Inuusuttunullu Naalackersuisoqarfik (jian@nanoq.gl)

Peqqissutsimut Naalackersuisoqarfik (pn@nanoq.gl)

Kommune Kujalleq: (kommune@kujalleq.gl)

Kommuneqarfik Sermersooq: (kommuneqarfik@sermersooq.gl)

Qeqqata Kommunia (qeqqata@qeqqata.gl)

Kommune Qeqertalik (qeqertalik@qeqertalik.gl)

Avannaata Kommunia (avannaata@avannaata.gl)

Kalaallit Nunaanni Naalagaaffiup Sinnisoqarfia (ro@gl.stm.dk)

Ineqarnermut Naammagittaalliuuteqartarfik - Atuisoqarnermut Unammilleqatigiinnermullu

Aqutsisoqarfik (aua@nanoq.gl)

Nukissiorfiit (kundeservice@nukissiorfiit.gl)

Nusuka (nusuka2004@gmail.com)

Kalaallit Nunaanni Sulisitsisut (ga@ga.gl)

Kalaallit Nunaanni Politiit (grl-politi@politi.dk aamma grl-lesek@politi.dk)

SIK (sik@sik.gl)

PK-mut siulittaasooq (formanden@pk.gl)

Mittarfeqarfiit (mit@mit.gl)

Asiaq (asiaq@asiaq.gl)

AK (aknuuk@ak.gl)

IMAK (imak@imak.gl)

NPK (info@npk.gl)

ASG (asg@asg.gl)

KANUNUPE (kanunupe@gmail.com)

Tusarniaanissamat piffissaliussap naanerani siunnersuummut oqaaseqaateqarniarnatik makku nalunaaruteqarsimapput:

Meeqqanut inuusuttunullu Naalakkersuisoqarfik

Tusarniaanissamat piffissaliussap naanerani ukunannga Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik, Sulisitsut, Nunatsinni Perorsaasut Kattuffiat (NPK), INI A/S aamma Kommune Qeqertalikoqaaseqaatit tiguneqarsimapput.

Tusarniaanermut akissutigineqartut tullinnguuttuni suliarineqassapput. Naalakkersuisut tusarniaanernut akissutinut ataasiakkaanut oqaaseqaatai uingasutut allanneqartutut erseqqissaaffigineqarput.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik

Inissiaq taarsigassarsisumit, imaluunniit attartortumit, taassumallu inoqutigisaanit najugaqarfissatut atornagu siunertanut allanut atorineqannginnissaanik siunertaqartumik, siunnersuummi § 1, nr. 21-mi [*nr. 22-mut allanngortinneqartoq*] malittarisassiuunneqarpoq. Taamaattoq inuussutissarsiuutit minnerusut namminersortut taarsigassarsisumit imaluunniit attartortumit taassumalu inoqutigiivinit ingerlanneqartut mininneqartut.

Aalajangersakkanut ataasiakkaanut nalinginnaasumik nassuiaatini immikkoortumik tulliuttutut allassimasoqarpoq:

”Inissiap, soorlu unnuiffiullunilu ullaakkorsiortarfittut, airbnb-itut, tikeraartunut angerlarsimaffittut, tikeraartunut ineeqqatut, akunnittarfeeqqatut, ineeqqatut, akunnittarfittut allatulluunniit, siunertanut allanut atorineqarnera, najugaqarfittut atorineqarneratut isigineqassanngilaq. Assinganik assersuutigalugu ineeqqamik suliffeqarfiup sulisut, tikeraartut imaluunniit angalasut inissaqartinnissaannut attartortinneqarnera inissiatut atorineqartussatut ilaasusaanngilaq. Taamatut atuineq inuussutissarsiuutigalugu suliffeqarfittut isikkoqanngilaq inuussutissarsiuutillu namminersortutut mikinerusutut isigineqarnani.”

Air bnb inuussutissarsiutigalugu ingerlatsinerunngilaq. Sinittarfinnik, illuaqqanik, illunik, inissianik il.il. attartortitsinernut isaavittut atorneqartarpoq. Nammineq feriantilluni nammineq inigisap imaluunniit pisoqartillugu nammineq inigisami sinittarfiup ataatsip attartortinneqarnissaanut isaavik aamma atorneqarsinnaavoq. Taamatut attartortitsisartorpaaluit namminneq iniminniillutik piffissap ilaani taamatut aamma attartortitsisarput. Inigisamik atuineq pingaarnertut najugaqarfittut suli atuinerunnginnersoq, taamaattumillu inuussutissarsiorfiunnginnersoq takujuminaattarpoq, naak, aamma inissiaq, inissialluunniit ilaa inissiamik piginnittumit atorneqarani allanit atorneqaraluarpat.

Inatsimmi ima aamma allassimammat ”attartortoq” ima paasinarpoq, inissiaq – killilimmik – attartortinneqarsinnaasoq. Siunnersuutigineqartoq aallaavigalugu, inatsisinik unioqutitsinngitsumik attartortitsinissami sinaakkutit ersarlupput.

Akissut:

Inissiamik attartortittakkamik inissiatut nammineq pigisatut tigusinissami taarsigassarsinissami qularnaveeqqutitut pilersinneqarluni, qularnaveeqqusiussaqaarluni taarsigassarsinermi allagartanut nalinginnaasumik piumasaqaatit § 16a-tut siunnersuutip aalajangersarpai. Illuliortiternernut aningaasalersuineq pillugu Inatsisartut inatsisaat aamma tapersiissutitalimmik inissialiortiternermut Inatsisartut inatsisaat naapertorlugit nalinginnaasumik piumasaqaataasut, § 16 a-mi piumasaqaatigineqarput.

§ 16a, imm. 1, nr. 5-issatut siunnersuummi erseqqissaatigineqarpoq, inissiat pisortanit taarsigassiivigineqarsimasut piginnittunit, taassumallu inoqutaanit, attartortippallu attartortumit, taassumallu inoqutaanit taamaallaat najugaqarfittut, aalajangersimasumillu najugaqarfittut atorneqassasoq. Taassumap kingunerisaanik piginnittup imaluunniit attartortup inissiaq najugaqarfittuinnaq atussavaat, ilutigisaanillu inissiami aalajangersimasumik najugaqartutut inuit allattorfimaffianni nalunaarsorsimassalluni.

Sulisitsisut

Inissiaatit inunnit nammineq pigineqalerunik inissiat pitsaanerusumik aserfallatsaalineqarsinnaalernissaannut kinguneqarsinnaammat, Sulisitsisut inatsisissatut siunnersuutigineqartumut nalinginnaasumik isumalluarput.

Inissiat tunineqarnissaannut akigitinneqartup inissianik niunernermut naapertuunnissaa pingaaruteqarpoq, siunnersuutigineqartutut akikilliliisoqartussaattillugu inissiat amerlavallaat tuniniarneqannginnissaat pingaaruteqartorujussuuvoq, tamanna inissianik niunernermut sunniuteqassammat, taamaalillunilu sanaartorneq suli annikilleriassalluni.

Tuniniaaneq, inissiallu piumaneqarnerat oqimaatigiinniassammat Namminersorlutik Oqartussat, kommunillu tuniniaanitik ataqatigiissassavaat. Inissiat nutaat niuernermit tunineqarsinnaanissaat qulakkeerneqassaaq.

Sulisitsisut siunnersuutinit annerusumik oqaaseqaatissaqanngilaq.

Akissut:

Inissiar-suarmi attartortittakkami attartortittakkat inissiatut nammineq pigisatut allanngortinneqarnissaannik Naalakkersuisut aamma Kommunalbestyrelsit aalajangiitinnagit, inissiat nammineq pigisatut tuniniarneqarnissaat sioqqullugu pisisussaqaqarnersoq naliliisoqarsimassasoq naatsorsuutigineqarpoq. § 3c-tut siunnersuutigisami erseqqissaatigineqarpoq, Naalakkersuisut aamma kommunalbestyrelsi allanngortitsinermut atatillugu, malitsigisaanillu inissianik nammineq pigisatut tunisinissaminni pilersaarusiussasut.

Inissianik attartortittakkanik, inissiatut nammineq pigisatut allanngortitanik tunisineq niuermi akigititat malillugit pissaaq, minnerpaamilli m2-imut 7.000 koruuninut, tak. siunnersuutip § 3e, imm. 2-a. Inatsisartut Aningaasaqarnermut Akileraartarnermullu Ataatsimiititaliaata akuersineratigut, niuermi akigititat ataallugit, m2-imullu 7.000 koruunit ataallugit Naalakkersuisut inissianik nammineq pigisanik tunisisinnapput, tak. siunnersuutip § 3e, imm. 3-a. Naalakkersuisut akuersineratigut, niuermi akigititat ataallugit, m2-imullu 7.000 koruunit ataallugit kommunalbestyrelsit inissianik nammineq pigisanik tunisisinnapput, tak. siunnersuutip § 3e, imm. 3-a.

Inissianik nammineq pigisanik inoqanngitsunik tamanut ammasumik tunisineq inissiat nammineq pigisat, illullu nammineq pigisat niuermi nalinginut sunniuteqarnerlussappat, inissianik nammineq pigisanik Naalakkersuisut, kommunalbestyrelsilu tuniniaanngiinnarsinnaapput, tak. siunnersuutip § 3e, imm. 4.a. Inissianik imaluunniit illunik nammineq pigisanik tunisinissami, niuermik naliliisitsisoqassaaq. Najukkap manna tikillugu akigititaanit niuermi naliliineq allaaneruppat, inissiamik nammineq pigisamik tuniniaanissaq kinguartinneqarnissaanut patsisissaqaqarnersoq Naalakkersuisut, kommunalbestyrelsillu nalilersinnaassavaat.

Nunatsinni Perorsaasut Kattuffiat (NPK)

Immikkoortut pingaarnerit ilaannut oqaaseqaatit:

Pisortat inissiaataasa attartortakkat inissianut nammineq pigisanut allanngortinneri tuniniarneqarnerilu.

Naak, inissiat attartortittakkat amerlanersaat iluarsartuunneqartarsimannikkaluartut, pingaartumik attartortorpassuit attartornermi akigititanik qaffakkiartuinnartunik ukiorpasuarni akiliisarmata, pisortat inissiaataat inissiatut nammineq pigisatut allanngortinniarneqarnerat ataatsimut isigalugu isumalluarnarpoq. Taamaalilluni

naatsorsuutigineqarpoq, attartortoq inissiamik pisinissaminik kissaateqanngippat imaluunniit aningaasatigut periarfissaqanngippat attartorneq allanngortinnagu ingerlaannassasoq.

Inissianik nammineq pigisanik tunisineq.

Minnerpaatut akigititassamik aalajangersaasoqarnerani, illoqarfiit anginerusut avataanni inissiat nammineq pigisat pisiarineqarnerinit appasinnerusumik niuernermi naleqarsinnaanerit eqqarsaatigineqarmat iluarpoq.

Inuusuttunut periarfissat pitsaanerusut.

Inuusuttut 30-t ataallugit ukiullit inissiamik nammineq pigisamik tamanut ammasumik tuniniakkamik pisigunik, akikillisaavigineqarunillu, attartortunullu inissiamik attartortittakkamik allanngortitamik pisisunut atugassarititaasut assigalugit pisortanit aningaasalersorneqarlutik maanna pitsaanerusunik periarfissaqalernerat, attartortunullu naligiissinneqarnerat siuariarneruvoq.

Nunatsinni Perorsaasut Kattuffiat, NPK, siunnersuummi immikkoortunut pingaarnernut allanut oqaaseqaatissaqanngillat.

Akissut:

NPK-p allannguutissatut siunnersuummut tapersersuinerat tusaatissatut tiguneqarpoq.

INI A/S

Siusinnerusukkut pisortat attartortittagaataannik attartortut inissianik piginnittunngornissamut namminneerlutik suliniuteqartarsimasut, siunnersuutitigut Namminersorlutik Oqartussat imaluunniit kommunit inissiamik piginnittut peqatigiiffiannik aamma piginneqatigiilluni inissianik piginneqatigiiffimmik pilersitsinissamut namminneerlutik suliniuteqarsinnaalissasut, kingornalu attartortooreersut inissianik taakkuninnga pisinissaannut neqeroorfigisinnaassagaat, periarfissatullu inissiat inueruppata tuniniarsinnaassagaat siunnersuutit taakkua marluk siunertaraat. Siunnersuutini taakkunani marluusuni attartortut pisinissaminnut neqeroorummik itigartitsisinnaatitaapput, aningaasaqarnikkullu allannguutitaqanngitsunik inissiami najugaqaannarsinnaassalutik. Taamaalilluni pisortat inissiaataannik tunisissamut inatsisitigut tungavissaqarnissaq anguniarneqarneratigut, pisortat inissiaataasa attartortittakkat ikilisinneqarnissaat siunertaavoq.

Naatsorsuutigisamik inissiat allanngortinneqassasut, taamatullu itsillugit tunineqassasut allassimavoq. Illuut tamakkerlugu imaluunniit inissiat ataasiakkaat nutarterneqassasut imaluunniit iluarsartuunneqassasut naatsorsuutigineqanngilaq.

Aserfallatsaaliisariaqarneq pillugu Aningaasaqarnermut Naligiissitaanermullu Naalackersuisoqarfiup 2023-mi nassuiaasiaa naapertorlugu, ukiut qulit ingerlanerini annerpaamik suliniuteqarnikkut appartinneqarsinaallutik Namminersorlutik Oqartussat attartortittagaataannaanut aserfallatsaaliuinissami kinguaattoorutit 3,8 mia. koruunit missaannipput. Ukiut 15-it piffissaliuutissagaanni aningaasalersuutissatut pisariaqartinneqartut 5,0 mia koruunit missaanniipput, ukiullu 20-t piffissaliuutissagaanni aningaasalersuutissatut pisariaqartinneqartut 6,2 – 6,3 mia. koruuninut qaffassallutik.

Nassuiaammi allassimavoq, piffissami naatsorsuusiorfiusumi Namminersorlutik Oqartussat inissiaataat 5.519-iusut, inissiat tamakkerlugit katillugit 355.598 m²-itut atsigisut. Taamaalilluni piffissaliunneqartoq apeqqutaalluni aserfallatsaaliuinissami kinguaattoorutit m²-imut 10.686 koruuniupput, m²-imut 14.061 koruuniupput imaluunniit m²-imut 17.576 koruuniullutik. Agguaqatigiissillugu inissiaq 64,4 m²-iuvoq, taamaalillunilu aserfallatsaaliuinissami kinguaattoorutit appartinneqarnissaanut piffissaliunneqartoq apeqqutaalluni 688.193 koruuninut 1.131.896 koruunit tungaannut aserfallatsaaliuinermini kinguaattooruteqarfiulluni tiguneqassagaluarluni.

Attartortup inissiamik pisinerani piginnittumut aningaasaliissutitigut iluanaarutiniq akiliuteqarnissaq atorunnaassaaq. Tamanna Namminersorlutik Oqartussat inissiaataannik attartortittakkanik attartortitat 21 %-it missaaraat. Inissiani taakkunani ukiumut m²-imut 84 koruunit missaat PA-mut (pileraarutaasumik aserfallatsaaliuneq) ukiumut immikkoortinneqartarput. Namminersorlutik Oqartussat aserfallatsaaliuinissamut paasissutissaasiviani IPV-mi allassimavoq, Namminersorlutik Oqartussat inissianut attartortittagaataannut aserfallatsaaliuinissami kinguaattoorutit tamakkiisumik appartinneqareerpata immikkoortinneqartussatut pisariaqartinneqartussaq m²-imut 430 koruuniussasoq. Massakut ukiumut m²-imut 679 koruuninut immikkoortinneqartartunut nikingassutaasoq 51%-it missaanniippoq.

Siunnersuummi allassimavoq, inissiat aserfallatsaaliineqarnissaanut piginnittut nutaat akisussaaffigigaat, inissiap ilua piginnittup toqqaannartumik akisussaaffigigaa, silataalu inissiamik piginnittut peqatigiiffiata/piginneqatigiilluni inissiaatillit peqatigiiffiata akisussaaffigigaa, pisariaqartillugulu silataa aserfallatsaaliineqartassasoq. Taamaalilluni inatsit malinneqassappat piginnittut nutaat inissiamut akiliutigisartagaat 30 %-it missaannik qaffassapput (aningaasaliissutaasunit iluanaarutinit -20 %-it, PA-mut ileqqaagaqannginnermut +51 %-t), taassumallu saniatigut inissiamik pisinerup nammineq aningaasalersorneqarneranut erniat, akilersuutissallu ilanngunneqassallutik.

Nammineq akiliutissaq tamakkiisumik imaluunniit ilaannakortumik aningaaserivik imaluunniit pigisanik aalaakkaasunik qularnaveeqqusiilluni taarsigassarsisitsisarfik aqutigalugu aningaasalersorneqarpat, taarsigassarsiniap akiliisinnaassuseqarnera misissorluassallugu aningaaserivik pisussaaffeqarpoq. Taassumap kingunerisaanik inissiat ataasiakkaat tuniniarneqarnerini erseqqissumik allassimassalluni malitsigisaanik aserfallatsaaliuinissami

kinguaattoorutit aningaasalersorneqarnissaanni, taarsigassarsiniap akiliutissani aningaasalersorsinnaassanerai pillugit nalilersuilluartoqassaaq. INI-p nalilerpaa, illuummi pineqartumi aserfallatsaaliuinissami kinguaattoorutit annikitsuinnaanngippata, Namminersorlutik Oqartussanit attartortut amerlanersaat aningaaserivik imaluunniit pigisanik aalaakkaasunik qularnaveeqqusiussaqaarluni taarsigassarsisitsisarfik aqqutigalugu aningaasalersuinissaminnik kissaateqartut amerlanersaasa itigartinneqarnerinik kinguneqassasoq.

Illuummik inissiamik piginnittut peqatigiiffingortitsinermi/piginneqatigiilluni inissiaatillit peqatigiiffingortitsinermi siunertamut atortussat pisariaqartut tamaasa suliarissallugit Namminersorlutik Oqartussat aamma kommunit akisussaaffigaat. Inissiamik piginnittut peqatigiiffiat/piginneqatigiilluni inissiaatillit peqatigiiffiat illuutip manna tikillugu najugaqarfimmut attuumassuteqartumut attuumassuteqassaaq (ataatsimut pilersuiviit, nunaminertallu ataatsimoorussat), peqatigiiffimuinnaarluni atasunik naatsorsuutininik pilersitsisoqassalluni. Atortussiornissamut aningaasartuutissat aallaqqaammut Namminersorlutik Oqartussat/kommunit akilissavaat, kingornalu inissiamut ataatsimut 50.000 koruuninik aningaasartalerlugu inissiap tunineqarnissaani akigititamut ilanngunneqarsinnaassalluni. Peqatigiiffiup naatsorsuutaannik suliaqarnermi aningaasartuutissat, peqatigiiffiit ataasiakkaat isumagissavaat.

INI-p innersuussutigaa, illuutininut ataasiakkaanut aningaasaqarnermut tunngatillugu atortussiornissaq aallartitinnagu, inissiat allanngortinneqartut qanoq sukkatigisumik tuniniarneqassanersut Namminersorlutik Oqartussat aamma kommunit eqqarsaatigilluassagaat. Illuummi attartortut ikitsuinnaat pisinissaminnik kissaateqassappata, massakkut attartortuusut attartortillugit massakkut inissiamik piginnittup inissiat sinneruttut isumagissallugit pisussaaffigissava, inatsisillu nutaap malinneqarnissaanut PA-mut eqqortumik akileeqqusiissuteqarnissaq eqqarsaatigalugu kiisalu aserfallatsaaliugassat suliarineqarnissaanut kiisalu pilersaarusiornissamut atortussusiornissami aningaasartuutigineqartariaqartut annersaannut akiliuteqassalluni.

Taassumap saniatigut inissiarsuarmi attartortitat, inissiallu nammineq pigisat ataatsimut aqunneqarnissaanut INI-p ermunassuteqarnini tunngavigalugu kissaatigineqarpoq erseqqissarneqassasoq. Attartortumit piginnittuunermut aaqqiissut ukiorpassuarni atuussimavoq, inatsisissatullu siunnersuummi eqqortumik allassimasutut, illuummi najugartut assigiinngitsuutillugit piginnittup, attartortut, inissianillu piginnittut suut akisussaaffigineeraat tamakkiisumik erseqqilluinnassaaq. Ataatsimut nukissiuutininik pilersuiveqarneq, innaallagissamut aqquteqarneq, nunaminertat ataatsimoorussat, immikkoortumik uuttuusersuisinnaaneq il.il. Pissutsinut taamak ittunut INI-p misilittagai imaanngilaq iluatsilluarsimasut, taamaalillunilu inissianik piginnittut kissaataat malillugu piginneqatigiilluni inissiaatillit peqatigiiffiannik imaluunniit inissiamik piginnittut peqatigiiffiannik pilersitsisoqarnissaa sioqqullugu tamakkiisumik qulaajarneqartariaqarlutik.

Alla isiginiarneqartariaqartoq tassaavoq, attartortoq nuuppat inissiaq inoqanngitsoq tuniniarneqassappat imaluunniit piginneqatigiilluni inissianngortinneqassappat najugaqarfiit pineqartut aningaasaqarnerinut sunniutqassamat. Atugassarititaasut nalinginnaasut malillugit initaarnissamut utaqqisut allattorsimaffiani allassimasoq inissiamut neqeroorfigineqassaaq. Inissiaq maanna tuniniagassanngorsimappat, inissiap inoqannginnera najugaqatigiiffiup aningaasaqarneranut sunniuteqarnerlussaaq. Nalinginnaasumillu utaqqisut allattorsimaffianni utaqqisumut neqeroorutigineqarsinnaaqqullugu, inissiaq qanoq sivistutisumik tuniniarneqarsimassava? Tamanna inatsimmi allanngortitami allassimasariaqarpoq. Tassunga atatillugu erseqqissaatigineqassaaq, tunisinermut atatillugu inissiamut inoqanngitsumut aningaasartuutit najugaqarfinnut ataasiakkaanut tutsinneqarsinnaanngimmata, siusinnerusukkut eqqaaneqartutut pilersaaruteqarnermi aningaasartuutissanut il.il inissiamik piginnittumit aningaasartuutigineqartariaqarluni.

Akissut:

Illuutit attartortittakkat piginneqatigiilluni inissianngortinneqarnissaannik, attartortunullu tuniniarneqarnissaannut aamma tamanut tuniniarneqarnissaanut periarfissaq atussanerlugu Naalackersuisut, kommunalbestyrelsillu namminneerlutik aalajangissavaat.

Pisassarisanik piunasaqartarneq pillugu inatsiseqarnermi malittarisassat naapertorlugit, pissutsit pingaarutillit tunisisup ilisimasai imaluunniit ilisimasariaqaragai, pisisussallu inissiamik pisinissaanut aalajangernissaani aalajangiisuusinnaasut pillugit Naalackersuisut, kommunalbestyrelsillu pisisumut paasissutissiissallutik pisussaaffeqarput.

Inissianik nammineq pigisanngortitsinermi, taakkuninngalu tunisinermi inissiamik piginnittut peqatigiiffiata aningaasaqarnikkut inissisimaneranik, aserfallatsaaliinissamut naatsorsuutigisamik aningaasartuutist, matumani aserfallatsaaliinermi kinguaattoorutit ilanngullugit paasissutissiinissaminnik Naalackersuisut aamma kommunalbestyrelsit pisussaapput.

Inissiamik piginnittut peqatigiiffianut tapiissutit, inissiamik piginnittut peqatigiiffiata missingersuutaannik eqqortunik, matumani aamma aserfallatsaaliinissamut, nutarterinissamullu kinguaattoorutinut naatsorsuutigisamik aningaasartuutissanik aallaaveqassapput.

Tuniniaasup unneqqarilluni paasissutissiisussaataanerata, pisisup inissiaq pillugu kiisalu inissiamut pingaarutillit, inissiallu nalinga, atorneralu pillugit eqqortumik, tamakkiisumillu paasinninnissaa qulakkiissavaa. Assinganik unneqqarilluni paasissutissiisussaataanerup kingunerisaanik akikilliliissuteqartoqarnissaanik, taarsiissuteqartoqarnissaanik, niuernermillu taamaatitsisoqarnissaanik pisisoq piunasaqarsinnaassaaq.

Naalakkersuisut naatsorsuutigaat, siullermik illuut ataaseq inissiatut nammineq pigisatut allanngartinneqassasoq, inissiallu tuniniarneqarlutik. Tamanna misilittagaqarnermik kinguneqassaaq, ajornartorsiutaasullu attuumassuteqartut paasineqassallutik, soorlutaaq inissiat nammineq pigisanngartitat Naalakkersuisunit, kommunalbestyrelsimiillu attartortinneqartut aqunneqarnissaat aaqqissuunneqassasoq.

Inissianik attartortittakkanik inissianik nammineq pigisanngartitsinermi Naalakkersuisut, kommunalbestyrelsillu inissianik nammineq pigisanik ataasiakkaanik piginnittunnussapput. Naalakkersuisut, kommunalbestyrelsillu piginnittut, piginnittut peqatigiiffiannut akiliutissat ataavartumik akilerneqarnissaannut akisussaapput. Inissiaq nammineq pigisaq Naalakkersuisunit, kommunalbestyrelsimiillu pigineqartoq attartortup nuunneratigut inueruppat, piginnittut peqatigiiffiannut akiliutissat ataavartumik akilerneqarnissaannut Naalakkersuisut, kommunalbestyrelsillu akisussaapput. Piginnittut peqatigiiffiat eqqarsaatigalugu inissianik inoqanngitsoqalissanngilaq. Inissianik piginnittut – uani Naalakkersuisut aamma kommunalbestyrelsit - eqqarsaatigalugit inoqanngitsoqassaaq.

Inissiat inoqannginnerini, inissiallu nammineq pigisat tunineqarnissaasa tungaannut attartornermi Naalakkersuisut, kommunalbestyrelsillu isertitassaralui, immikkut ittumik aningaasaliissoqarnikkut aningaasalersorneqassapput.

Kommune Qeqertalik

Inatsisissatut siunnersuummut tapersiineq: Innuttaasut sapinngisamik amerlanerpaat inissianik imminnut pilersornissaannik anguniagaq Kommune Qeqertaliup pingaarnertut tapersersorpaa. Taamaakkaluartoq inatsisissatut siunnersuummi aalajangersagassatut siunnersuutigineqartut, inoqarfinni mikinerusuni anguniagaq taanna qanoq ikorfartorniarneqarnesoq ersarluppoq.

Minnerpaamik akigititassanut, niuernermilu nalinginut ernumaatit: Tuniniaanermi akianit 20%-imik imaluunniit 30%-imik appaanikkut inissiat tunineqarlutik, Naalakkersuisut imaluunniit kommunalbestyrelsip nammineq suliniuteqarnermikkut pisortat inissiaataanik attartortittakkanik inissiatut nammineq pigisanngartitsinnaanerat pillugu, inatsisissatut siunnersuut § 6 a-mi aalajangersagaqarpoq. Inissiat inoqanngitsut pisortanit tunineqartillugit m²-imut 7.000 koruuninik minnerpaamik akeqarnerat Kommune Qeqertaliup eqqumiigivaa, tak. § 8 a, stk. 1, inissiallu nammineq pigisat minnerpaamik akeqartitsinermut ilaatinneqaratik. Tamanna avinngarusimasuni inissiat niuernermi nalikinnerunerini pingaartumik pingaaruteqarpoq.

Inissianik attartortittakkanik allanngartitsinissamik siunnersuut: Kommune illoqarfiit anginerusut avataanni illut attartortittakkat inissianit attartortittakkanik amerlanerummata

Qeqertaliup siunnersuutigaa, illunik attartortittakkanik illutut nammineq pigisatut allannngortitsisinaanermut periarfissaq, inissiat nammineq pigisanut atugassarititaasut assigalugit inatsisissatut siunnersuummut ilanngunneqassasoq, tak. § 6 a.

Aningaasalersuineq pillugu oqaaseqaat: Kommune Qeqertaliup misilittagaraa, pisinerup nalingata sinnerata nammineq aningaasalersornissaanut innuttaasut uppersaanissaminut uppersaatitunik tunniussiuminaatsitsisartut.

Taamaattumik innersuussutigineqarpoq, nammineq akiliutissat pillugit innuttaasut qanoq uppersaanissaminut ersarissarneqassasoq, tak. § 14, imm. 1.

Inuusuttunut pisisussanut aningaasalersuinissami tapersersuineq: Tunisinermi akigititaq niuernerminingalanganit anginerunngippat, inuit 30-t ataallugit ukiullit aningaasalersorneqarnissaanerata Kommune Qeqertaliup tapersersorpaa, tak. § 14 c, imm. 1. Taamaakkaluortoq 30-nik ataallugu ukiulik inissianik allanik piginnittuunersoq imaluunniit piginneqataansoq misissoruminaassinnaassaaq. Taamaattumik innersuussutigineqarpoq, inissiamik allamik pigisaqannginnerminik imaluunniit piginneqataannginnerminik pisisussaq uppersaanissaminut pisussaaffilerneqassasoq, tal. § 14 c, imm. 2.

Akissut:

Inatsisissatut siunnersuummut tapersiineq:

Illoqarfinni anginerusuni inissarsuit anginerusut aqutigalugit inissianik pilersuinerup annersaa Namminersorlutik Oqartussat, kommunillu isumagisaraat. Ukiuni kingullerni illoqarfinni anginerusuni inissianik nammineq pigisanik inissiaqalersitsisoqarpoq, taamaalillunillu inissiat nammineq pigisat ilisimaneqarnerulerlutillu piumaneqarnerulernikuullutik. Inissarsuarmi inissianik nammineq pigisanut agguataarinermi, piginnittut peqatigiiffinik pilersitsinermi, pisariaqartunillu ingerlatsinermi isumaqatigiissutinut il.il. atatillugu sulineq, ajornartorsiutaasullu attartortooreersut inissiamik nammineq pigisatut pisinissaminut qinnuteqannginnerinik kinguneqarsinnaasarpur. Naleqqutsillugu inissianik attartortittakkanik, inissiatut nammineq pigisatut Naalakkersuisunut, kommunalbestyrelsinnullu allannngortitsisinaanerinut siunnersuut manna periarfissiivoq.

Inoqarfinni mikinerusuni pisortat inissianik pilersuinerini, ilaqutariinnut ataatsinut illunik pilersuippur. Attartortup ilaqutariinnut ataatsinut illumik nammineq pigisatut tigunissaanik qinnuteqaataa, malittarisassat atuuttut naapertorlugit Naalakkersuisut, kommunalbestyrelsillu akuerisinnaavaat. Taamaattoqassappat pisarinissaani akigititassaq, niuernerminingalanganut aalajangersarneqassaaq. Ilaqutariinnut ataatsinut illumik attartortut ataasiakkaat, illu illutut nammineq pigisatut tigussanerlugu nammineq aalajangigassaraat. Taassumap saniatigut inoqarfinni minnerni ilaqutariinnut ataatsinut illut nalinginnaasumik

niuernermi nalikinnerusarput, tassani sanaartorneqarnerani aningaasartuutinit appasinnerungaatsiartarluni. Pisortat ilaqutariinnut ataatsinut illumik illutut nammineq pigisatut tunisinissaanni, pisinermilu akia pisortat pitsaasumik atugassaqaqtitsillutik aningaasalersuinerisigut tapiiffiginissaa siunertaralugu, annerusumik inatsisitigut tunngavissiorinissaq immikkut pisariaqaqtinneqanngitsoq nalilerneqarpoq.

Minnerpaamik akigititassanut, niuernermilu nalinginut ernumaatit:

Malittarisassat atuuttut naapertorlugit ilaqutariinnut ataatsinut illumik attartortoq, illu attartugaq nammineq pigisatut tiginissaanik Naalakkersuisunut imaluunniit kommunalbestyrelsimut qinnuteqarsinnaavoq. Qinnuteqaat akuersissutigineqassappat akissaa niuernermi nalinganut aalajangerneqassaaq. Naalakkersuisut nalilernikuuaat, taamatut pisinnaatitaaffeqarneq allanngortinneqarani, akimillu minnerpaaffiliinani ingerlateqqinneqartariaqartoq.

Inissiansuarnik anginerusunik inissiatut nammineq pigisatut allanngortitsinerni, inissianik nammineq pigisanik amerlanerusunik pisortat neqerooruteqarnissaannut periarfissaqassaaq. Innuttaasut illuutaasa akii annertuumik sunnernerlunnginniarlugit nalilerneqarpoq, niuernermi nalinganut, minnerpaamilli m2-imut 7.000 koruuninut tunisisoqartassasoq.

Inoqarfinni mikinerusuni ilaqutariinnut ataatsinut tunisinermi, innuttaasut illuutaasa akii annertuumik sunnernerlunnissaannut aarlerinartoqanngitsoq nalilerneqarpoq.

Inissianik attartortittakkanik allanngortitsinissamik siunnersuut:

Malittarisassat atuuttut naapertorlugit ilaqutariinnut ataatsinut illumik attartortoq, illu attartugaq nammineq pigisatut tiginissaanik Naalakkersuisunut imaluunniit kommunalbestyrelsimut qinnuteqarsinnaavoq. Qinnuteqaat akuersissutigineqassappat akissaa niuernermi nalinganut aalajangerneqassaaq. Naalakkersuisut nalilernikuuaat, taamatut pisinnaatitaaffeqarneq allanngortinneqarani, akimillu minnerpaaffiliinani ingerlateqqinneqartariaqartoq.

Inoqarfinni minnerna ilaqutariinnut ataatsinut illut nalinginnaasumik niuernermi nalikinnerusarput, tassani sanaartorneqarnerani aningaasartuutinit appasinnerungaatsiartarluni. Pisortat ilaqutariinnut ataatsinut illumik illutut nammineq pigisatut tunisinissaanni, pisinermilu akia pisortat pitsaasumik atugassaqaqtitsillutik aningaasalersuinerisigut tapiiffiginissaa siunertaralugu, annerusumik inatsisitigut tunngavissiorinissaq immikkut pisariaqaqtinneqanngitsoq nalilerneqarpoq.

Aningaasalersuineq pillugu oqaaseqaat:

Inissiamik nammineq pigisamik imaluunniit illumik nammineq pigisamik tunisinermi pisinermi isumaqatigiissut nalinginnaasoq, illumillu piginnittuunermut uppernarsaat suliarineqartarput, tassanilu pisiarinerani akia, qaqugulu akilerneqassanersoq allassimasarlutik. Kingusinnerpaamik illup tiguenerani, pisinermi pisisup akiligassami naleqqataanik pisisoq aningaasanik immikkoortitsissaaq. Pisisussap aningaaserivini suleqatigalugu, taarsigassarsissaguni taakkua aningaasalersorneqarnissaat, pisinermilu akiligassamut aningaasanik ittuaanissaaq akisussaaffigaa.

Inissiamik nammineq pigisamik imaluunniit illumik nammineq pigisamik pisinissaaq pillugu isumaqatigiissusiornissaaq sioqqullugu, pisinissamini akiligassami akilersinnaanissaanut uppernarsaanissaminut pisisussaaq pisussaaffeqaanngilaq. Nalinginnaasumik inissiamik nammineq pigisamik aamma illumik nammineq pigisamik pisinissaaq pillugu isumaqatigiissusiornermi nalinginnaasumik pisisussap aningaaserivianit akuersinissamut nangaassuteqartoqassaaq – aningaasalersuinissamut nangaassuteqarnermik taaneqartartoq.

Pisisup pisinermi aningaasalersugassani aningaasalersorsinnaagaa pillugu pisisussap aningaaseriviata oqaaseqaasiornertigut imaluunniit kontomi sipaakkat assilineranik takutitsinikkut pisisup nalinginnaasumik uppernarsarsinnaassavaa.

Inuusuttunut pisisussanut aningaasalersuinissami tapersersuineq:

Pisisup inissiamik imaluunniit illumik nammineq piginnittuunani imaluunniit piginneqataanani ilumoorluinnarluni nalunaarutigissagaa ersarissarneqarpoq.